

D. D.  
SPECIMEN ACADEMICUM,  
DE  
**SUPERSTITIONE**  
VETERUM FENNORUM  
**THEORETICA**  
ET  
**PRACTICA,**

CUJUS  
PARTEM PRIOREM,  
CONSENSU AMPLISS. SENAT. PHILOS. IN RE-  
GIO FENNORUM LYCEO,

PRÆSIDE  
**MAG. HENRICO GABRIELE**  
**PORTHAN,**

ELOQUENTIÆ PROFESS. REG. ET ORD.

*Examini publico offert*

AUCTOR

**CHRISTIANUS ERICI LENCVIST,**

Satacundenfis.

Tempore ante meridiem consveto diei *6 May Aprilis*  
Anni MDCCLXXXII.

---

*ABOÆ,*

Impressa apud Viduam Reg. Acad. Typ. J. C. FRENCKELL.

S:Æ R:Æ M:TIS  
MAXIMÆ FIDEI VIRO,  
REVERENDISSIMO PATRI AC DOMINO,  
**D:NO CAROLO FRID.  
MENNANDRO,**

S. S. THEOLOGIÆ DOCTORI,  
REGNI SVIO-GOTHICI ARCHI-EPISCOPO,  
ACADEMIÆ UPSALIENSIS PRO-CANCELLARIO,  
CONSISTORII IBIDEM ECCLESIASTICI PRÆSIDI,

MÆCENATI SUMMA PIETATE COLENDO.

**S**i TUIS, VIR REVERENDISSIME, opibus adjutum hoc opusculum, dum tandem in lucem prodit, Tuo etiam NOMINE ornari gestit, id ne mirum putas. Immortalia TUA in Patriam nostram Ecclesiam, Clerum Fennicum, & speciatim parentem meum, merita, hoc qualemque officii testandi genus, & grati animi indicium a me exegere. Si veniam hujus ausus, TUAMQUE gratiam impenetravero, summam votorum meorum me obtinuisse existimabo; usque ad cineres permanansurus

REVERENDISSIMI NOMINIS TUI

*Devotissimus Cliens*

CHRISTIANUS LENCQVIST.

S:Æ R:Æ M:TIS  
*MAGNÆ FIDEI VIRO,*  
REVERENDISSIMO PATRI ac DOMINO,  
**D:NO JACOBO JOH.  
HAARTMAN,**  
DIOECSEOS ABOËNSIS EPISCOPO,  
REGIÆ IBIDEM ACADEMIÆ PRO-CANCELARIO,  
CONSISTORII ECCLESIASTICI PRÆSIDI,  
MÆCENATI MAXIMO.

**D**um Tu, REVERENDISSIME PRÆSUL, superstitionis & impietatis debellandæ ac veræ religionis Christianæ asserendæ caussa, indefesso studio apud nos, quotidie excubias agis, multis Ecclesiam & Clerum Fennicum meritis Tibi devincis. Opusculum igitur hoc NOMINI Tuo dicare me audsum fuisse, ægre ne feras. Postulat hoc mea in Te pietas, qua Te ad urnam usque prosequar,

REVERENDISSIMI NOMINIS TUI

*Cultor humilissimus*

**CHRISTIANUS LENQVIST,**

§. I.

**Q**uam præstans Dei donum, quo homines beare voluit, sit Verbum Ejus sive Scriptura Sacra, vel vox patescere arbitror, si conferre quis voluerit lucem Christianismi, cum tenebris paganismi. Quis nauta, in tempesta & illuni nocte mare fulcans, in tot & tam extitiales incidere potest syrtes, ac genus humanum, gentilismo occæcatum, circa doctrinam de Deo? Quam insanæ opiniones? quam ridiculi mentis conceptus? quam mira somnia? quam stultæ inventiones fuerunt illæ, quibus gentes in divinis & sacris se deceperunt? Quam absurdæ fuit Theologia gentilis, & quam stolidus Deum colendi modus? Quot nationes exstiterunt, tot in religione diversi sensus; qui in nulla alia re, tam conspirarunt amice, quam in eo, quod omnes a vero aberrarunt. Scopus quidem horum hominum fuit, Numinibus suis, seu invisibilibus illis naturis, quibus salutem suam cordi esse putarunt, & a quibus bona malaque in se proficiisci censuerunt, pietatem præstare, ipsisque se reddere gratos acceptosque. Sed placita ipsorum de ipsis naturis, ac cultus ille, quem ipsis præstare voluerunt, in absurdissima abierunt figmenta. Quod maxime mirari convenit, est, quod una fere natio & gens præ alia multum hic de meliori sensu & sapientiori instituto gloriari nequit. Ipsi Philosophi eorum, & qui aliis videri volebant sagaciores, æque ferme despicerunt aë vulgus. Quocirca etiam, quod maxime dolendum, totam religionis gentilis fabricam, apud nullum reperimus populum, ad emenda-

mendationem morum collineasse, vel eo spectasse ut homines redderentur meliores, sed potius incitamenta vitorum ipsis suppeditasse.

Describere igitur cujusque gentis sacra, nil quidem aliud est, quam enumerare varii generis ineptias, longamque nectere catenam stultissimarum fabularum; quam laborem suscipere, vix esse operæ pretium videatur. Attamen cum omnis cognitio historica delectet, ac nihil fere sit, ad antiquos mores & instituta gentis alicuius spectans, unde aliquid ad suum studium adjumenti non hauriant priscarum rerum curiosi; spero haud ingratum fore litterarum amicis conatum meum, si veterum Fennorum Theologiam & Magiam, licet nil aliud fuerit, quam vana Supersticio, in lucem protrahere annitar. Omnes videlicet cultæ nationes, nostro ævo multum jam desudarunt, in depingendo gentilismo suo; ut quales fuerint olim in ethnicismo, & quales jam sint, monstrarent. Quare igitur Finlandia diutius celabit priscas suas tenebras, & non ad gloriam Patris lumen, qui ipsam tandem gratiœ illuminavit, in apricum producit, quomodo ipsa quoque quondam a principe tenebrarum occæcata, procul fuerit a municipio Israëlis, & Diis alienis serviverit? Sed dum mare hoc ingredi conor, horridum & scopolosum id occurrit, mihiique vix ulla suppetit cynosura & pyxis. Nam in historia Fennica non licet scriptis nisi annalibus, nec fontibus propriis aliis. Gens etenim hæc olim ignorantiae & oblivionis tenebris, velut sepulta fere jacuit. Non litteræ nobis erant, nec monumenta ulla supersunt; ita ut sub gentilismo nemo nostrum valuerit, aliquid de gentis rebus posteritati prodere. Ex gentium vicinarum actis & historiis pauxillum lucis mutuamur, & reliquiis quorundam carminum, (valde quidem laceratis jam illis, disiectis, interpolatis & inter se confusis), quæ a majoribus acce-

pta vulgi ore in remotioribus regionis angulis adhuc, parcus licet, feruntur. Quod igitur de idolomania atque superstitione Fennorum proferre possum, id ipsum maximam partem ex hujusmodi carminibus conquisitum est, consultis reliquiis priscaæ superstitionis, adhuc extantibus apud plebem; nec non ex poemate quodam brevi, maxime trito, quod Episcopus quondam Aboënsis M. MICHAEL AGRICOLA de Diis Fennorum composuit & Versioni suæ Psalterii Davidici præmisit A:o 1551 editæ (cfr. *Idn. utgivne af et Sällskap i Åbo*, pro A:o 1778, p. 93 & 96). Hoc carmen lucubrationibus suis, cum brevi commentariolo inseruerunt Episcopus PETRUS BÅNG in *Hist. Eccl. Sveo-Goth.* (Lib. XI. C. XI. p. 206. sqq.), & M. GABRIEL ARCTOPOLITANUS in Dissertatione edita Upsaliæ A:o 1738, *De Origine & Religione Fennorum* (Cap. II. §. IV, p. 35. sqq.) unde hic repetere piget. Cfr. etiam MICH. WEXIONII *Epitome Descr. Sveciæ, Gothiæ, Fenniæ, &c.* Lib. X. Cap. II. Sed carmen hoc duo habet vitia: primum enim inter Tavastorum & Carelorum Deos numerat tales, qui Dii fuerunt communes totius Finlandiæ; deinde plures magni nominis Deos Fennorum plane præterit, nominatis aliis, quos an nostrates adoraverint, dubium videri possit.

Tam levibus etsi adjutus auxiliis, tenui quæ mihi est Minerva telam tamen hanc, quam exorsus sum, pertexere conabor; quam alii meliori instructi supellectili libraria, ac præfertim carminibus vetustis Fennicis, aliisque opibus, continuanto; meque si lapsus sim, benigne emendanto. Tu vero, benevole lector,

*Si quid novisti rectius istis,  
Candidus imperti; si non, bis utere mecum.*

## SECTIO PRIOR,

De

*Superstitione Veterum Fennorum  
Theoretica.*

## §. II.

**S**uperstitionem, dum veterem Fennorum religionem nuncupo; nihil prater rem & veritatem ipsi tribuere, me puto. Quamvis enim non plane negem, majores nostros etiam in ethnicismo multos habuisse sanos & rationi convenientes sensus, utpote de immortalitate animæ, de existentia Dei ac necessitate eum venerandi, & sic porro; ut plurimum tamen in divinis & sacris a norma rectæ rationis, & veritatis revelataæ, longe necesserunt, ac miseræ superstitioni litarunt. Quid autem intellectum velim vocabulo *Superstitionis*, & quotuplex illa apud nostrates fuerit, enodare paucis me oportet.

*Supersticio* mihi nihil aliud est, quam vitium mentis humanæ, quo divinitatem quandam iis rebus inesse opinatur, in quibus tamen divinitas nulla est; ex qua falsa opinione, actiones variæ stultæ nascuntur, & consilia perversa, quæ adminiculis æque ineptis, specie quadam supernaturalibus, vel in suum commodum vel aliorum detrimentum, promovere laborant. Hinc recte despisci eam in *Theoreticam & Practicam*, facile patet. *Supersticio* nempe *Theoretica* nihil aliud est, quam vana de Deo perswasio, qua divinitas tribuitur vel hominibus defunctis, vel rebus creatis aliis, vel ipsi genio infernali; talesque pro Diis coluntur. Pertinet ergo huc paganismus totus, cum sua idolomania & dæmonolatria.

Nasci-

Nascitur porro hinc *Supersticio practica*; quæ in ipsius cultus ratione, qui ejusmodi idolis exhibetur, consistit, aliquique inde fluentibus institutis & actionibus. Quorum etiam ars magica & incantatoria spectat; de qua in sequentibus.

§. III.

Noachus quidem proximique ab ipso nepotes, nequaquam intermiserunt, ut credibile est, liberis posterisque suis, instillare sanos de Deo & religione sensus. Proximis ergo a diluvio temporibus, doctrina de Deo penes homines, quodammodo adhuc mansit intemerata; ita tamen, ut puritas hæc ejus, apud unam gentem rectius diutiusque conservaretur quam apud aliam. Sensualitas vero, seu inclinatio hominum ad res visibles, & in sensus incidentes maxime amplectendas, cum desiderio auxilii citi & præsentis in quavis calamitate sibi comparandi, stupidis hominibus, in infantia mundi, sine dubio primam dedit ansam in idolatriam prolabendi. Parentes & præceptores, invisibilem Dei naturam & præsentiam, suis proponere voluerunt modo vivido, ipsisque conceptibili, per imagines simulacra & symbola visibilia illis exhibita. Sic sensim prolapsum fiebat a Creatore ad creaturas, ab invisibili ad id quod oculis cernitur. Rom. I: 19--23. Defectus verbi scripti & penuria fidæ institutionis, accedente quoque astu principis inferorum, ad lucem extinguendam tenebrasque induendas, non parum contulit. Id vero maxime est pudendum, doctrinam de Deo, uno & omnipotente, tam facile ac cito fuisse deperditam, insanumque polytheismum & Aristocratiā quandam in cœlum ejus loco introductam; quasi unus non sufficeret Deus rebus singulis gerendis, munendoque gubernando, & tot hominum saluti curandæ, precibus-

cibusque audiendis, sed vi unita multorum opus esset; licet unus tamén communiter ut præses & reliquorum omnium supremus rector agnosceretur. Crasius videlicet hic sese prodit Anthropomorphismus. Qui sapientiores haberi volebant ceteris, machinamque mundi oculis scrutari attentioribus videri cupiebant, Philosophos innuo, in Hyloteismum fere inciderunt, Deumque cum natura turpiter confuderunt. Quorum quidem multos ego istis etiam coeciores judico; utpote qui mentis sapientissimæ opus, fines & providentiam in universo animadverterent nullam, sed vel fortuito atomorum cursui, vel necessitatí cuidam fatali, cuncta tribuerent.

Generatim vero omnis superstitione idololatrica universa in duos velut ratiōes principales abit; *Occidentalem* seu Græcanicam, & Orientalem, appellare liceat (*a*). Nimirum apud gentes ad occiduum solem vergentes, Græcos præsertim & Romanos, invaluit opinio ex hominibus oriri posse Deos (*b*). Quare plerique Græcorum Romanorum Dii Deæque, nil aliud fuerunt, nisi celebres olim reges, principes, heroes, aliquae magni nominis viri & fœminæ. Hi post mortem cœlites facti putabantur,

B

tur,

---

(*a*) Præunte VITRINGA, (*ad Iefaj. C. XLVI. v. I. T. II. p. 601. sqq.*); a quo tamen dissentit BRUCKERUS *Hist. Crit. Philo-*  
*phæ*, T. I. P. II. Lib. II. Cap. II. §. XV.

(*b*) Manifestior saltem, notior & vulgatior hæc vesania, in his populis fuit, quam in Orientalibus. Non tamen negamus, traductas ad novos hos cœlites multas opiniones & traditiones fuisse, quæ ex antiquissima mortalium religione remanserunt; ut etiam postea Philosophi vulgaris superstitionis palliandæ causâ, magnam ejus partem, ac Deorum istorum gesta & attributa plurima, ad physicas & philosophicas rationes traducere studuerunt. De Celtarum ac florentium apud eos Druidarum religione, ob defectum monumentorum, e quibus plene tutoque cognosci queat, neque hac in parte certi quid statuere valimus; quos recentiorum multi acriter defendere conantur. Cfr. ex, gr. *Gallic Antiquities* ---- by JOHN SMITH. Lond. 1781. 40.

tur, hominumque in terris viventium curare res; certaque cuivis potentia adjudicabatur, aliis imperium exercentibus in cœlum, aliis in elementa, aërem, ignem, aquam, terram, plantas, montes, imo orcum ipsum. Et quod Dii ipsorum quivis certis modo præficerentur rebus, potestateque divisa uti existimarentur, ista quoque inde nata est opinio, eos raro consentire, sed locum habere inter eos discrepantes sententias; ita ut quod alius vellet promovere, id alius repellere studeret. Qui HOMERI *Iliada* vel obiter inspexerit, non sine stomacho animadvertiset, quomodo in senatu Deorum, belli Trojani tempore, ex mente Græcorum omnes illæ technæ & fraudes usurparentur, quæ in aulis regum & principum a corruptissimis tceleratissimisque solent adhiberi purpuratis & ministris.

Sed *Orientalium populorum* idolatria aliter videtur fuisse comparata. Sic HERODOTUS Libr. I Cap. 131. Persarum mores docet maxime divertos fuisse a Græcis. “*Apud illos enim non in usu fuisse templa, altaria & imagines Diis statuere; quin stultum ab iis hoc habitum: quod non putarent Deos posse ex hominibus oriri. Quare solitos esse editissimis conscientis montibus, Jovi hostias immolare, toto cœli ambitu Jovis nomine appellato; sacrificasse autem soli lunæque & telluri, igni, aquæ atque ventis.*” Orientalium itaque religio consistebat in naturalium rerum præcipuarum cultu & veneratione (c); præcipue autem *Solis*,

---

(c) Quia a primævo lumine proprius aberant, ac virtutes Creatoris divinas, ex his ejus operibus maxime elucidere putabant; illa primum ut divinitatis symbola venerabantur, mox iis ipsis divinitatem tribuebant: quam hominibus æque facile adscribere nequibant, quorum & natales & mortem noverant. Græci autem, ex fœda barbarie, in quam nationes a primis mortalium sedibus longius dispersæ incidenterant, sensim emersi, facilius in turpem hunc errorem ferebantur. Haud tamen negamus, postquam naturales illæ res ac virtutes symbolice representare instituissent, (quod a plurimis etiam orientalibus gentibus

*lis*, quem Phœnicii, Midianitæ &c. vocabant *Baal*, Baby-  
lonii *Bel*, quod dominum significat; Ammonitæ *Milcom*  
vel *Moloeb*, quod regem notat; Persæ *Mithram*. Colebant  
etiam *Lunam*, quam ut fœminam repræsentabant, ac Sy-  
ri vocabant *Astaroth* vel *Atergatin*, Chaldæi *Mylittam*,  
Arabes *Alittam*, Persæ *Miran* (d). Ægyptiorum vero  
superstitio adeo erat enormis, ut divinitatem tribuerent  
etiam tauris, (qualis eorum fuit *Apis*) serpentibus, cro-  
codilis, & id genus aliis animalibus; imo, quod mane  
primum conspexissent, id, eo die pro numine haberent.  
A quibus Israëlitæ quoque cultum vitulorum aureorum  
mutuati sunt. Ut ejusmodi cultus redderetur speciosior,  
tribuebant rebus etiam inanimatis, ut fluviis, montibus,  
silvis, fontibus &c. quandam velut animam & personali-  
tatem; addebant ipsis nomen personale, ac adumbrabant  
ipsas imagine aut simulacro, vel hominis, vel animalis.  
Sic *Nilus* ut vir certo scirpeo redimitus pingebatur; &  
sic in ceteris. Quando Græci & Romani rerum domini  
evalerunt, quandam similitudinem se animadvertere in-  
ter suos & aliarum gentium, etiam Orientalium Deastros  
putantes, illos cum his confundebant; quare *Jupiter* &  
*Baal* componebantur, *Venus* & *Mylitta*, & sic porro.

B 2

Unde

factum fuisse notissimum est) eoque consilio formam quandam huma-  
nam signis hisce divinitatis non raro dedissent; faciliorem fuisse pro-  
lapsum ad homines etiam suæ gentis magnos, ac benefactores insignes,  
divino honore maestandos: confundendo illos cum diis suis priscis, quo-  
rum benignitate satos, ductosque fuisse, aut quos ipsis sub illorum  
forma delituisse, sibi persuadebant. Cujus stultitia multos orientales  
populos reos fuisse, non diffitemur. Cfr. JERUSALEM'S Betracht. über  
die vornehmsten wahrheiten der Religion, II. Th. III. Betr. II. Abtheil.  
initio, p. 206--211. BRUCKERUS I. c. C. III. §. X. & C. VII. §.  
XII. SELDENUS de Diis Syris, Proleg. C. III. &c. VOSSIUS de  
Theologia Gentili, passim.

(d) Cfr. HERODOTUS I. c. SELDENUS I. c. Synt. I. C. VI.  
Synt. II. C. I. & II. BRUCKERUS I. c. C. III. §. X. & XIV.

Unde magna confusio tam nominum, quam functionum  
enata fuit.

§. IV.

Ut jam ad veterem Fennicam proprius accedamus idolatriam, videtur illa esse (ut nec paucarum gentium aliarum) velut mixtum quoddam ex Orientalium & Occidentalium placitis, religionis genus. Nemo facile, credo, dubitabit, quin aquilonis nostri aborigenes, qui haud diu post diluvium illud Noachicum, boream versus migrantes, ex locis mari Caspio vicinis huc sensim accesserunt, primitus saniores de summo Numine, & cultu ejus sensus foverint; quamvis hi deinde temporis successu apud nos æque ac alias populos, magis magisque evanuerint. Comprobare hoc autemamus ipsum nomen Dei Fennicum, *Zumala*, quo divinam significamus naturam. Hoc, in lingua nostra non est nomen proprium cuiusdam deastri veteris, sed appellativum, quo Deum sive verus ille sit, sive falsus, indigitamus. Si *Zumala* esset nomen proprium alicujus idoli, ut *Jupiter*, *Thor*, *Odin*, non facile admireret usum familiarem numeris pluralis, quem tamen admittit vocabulum *Zumala*, sicut vel ex priscis carminibus constat. Sic ex. gr. cantilena quadam venatoria antiqua, canit ursi captor sic:

*Gulki tulsi Zumalista,*                            *Palam veni a Diis,*  
*Kanṣa saalii iloifestii. h. e.*                            *Cum praeda lætus.*

De origine vocis *Zumala* plures adlunt sententiae & conjecturæ. Generos. von DALIN, *Swea Rikes Historia*, I. Del C. III. not. (r), C. IV. not. (m), C. X. not. (l), deducit nomen hoc ab antiqua voce Scando-Scythica *Hummal*, *Hamal*, *Amal*, l. *Zumal*; quam Deum & principem significasse asterit, cujusque primitiva notio adhuc superfit in vocabulis *Gumme* & *Gammal*; natu enim maximos

prisco

prisco ævo maxima veneratione fuisse cultos: hinc etiam stirpem regiam Gothorum *Analicam*, quasi *Divinam*, fuisse dictam. Sed merum esse ingenii lusum, nec etiam Fennicæ vocis originem facile ex veteri lingua Gothicæ esse arcessendam; levi negotio patet. Alii vocem *Zumala* derivant a Svethica voce *Himmel*, *cælum* notante. Sed quamvis in quibusdam dialectis Lapponicis Deus vocetur *Zimel* vel *Zimmel*; tamen inde verisimile haud est fluere vocem *Zumala*: quod Fennos & Lappones dudum ante Svio-Gothorum adventum in Scandinaviam, loca sub aquilone sita inhabitasse, & Diis suis, *Zumalat* a se vocatis, serviisse & litasse, probabile est. SCHEFFERUS in *Lapponia* sua C. VI. p. 43. (auctore JOH. TORNÆO) & ex illo ARCTOPOLITANUS *Dissert.* cit. p. 12. afferrunt quandam traditionem veterem de communi Fennorum & Lapponum fatore & duce *Zumo* ac *Zumi* dicto, quem post mortem pro Deo fuisse habitum, ac inde nomen *Zumala* Divino adhæsisse Numine, quis suspicari possit. Convenient hæc cum iis, quæ habet *Edda* de gigante *Yme*, quem facit parentem *Jotarum* & *Thussorum*, qui forte Fenni ei sunt & Lappones. Sed neque hæc commoda videtur vocis derivatio; præterquam, quod fabulam sapiat, tota hæc, de isto Patriarcha seu duce gentis utriusque traditio, cuius nos quidem nulla apud Fennos vestigia reperimus. Meliori via insistere videntur, qui Fennos nomen hoc Dei habuisse sciscunt, ante quam ad has regiones subpolares commigrarent, dumque adhuc maris Caspii vel Ponti Euxini essent accolæ. Quia igitur hujus gentis lingua non levem habet convenientiam cum linguis Orientalibus, Ebræam matrem agnoscentibus; hinc vocem *Zumala* a fontibus Ebræis derivare student. Alii igitur deducunt vocem *Zumala* ab Ebræo *Zom* dies & *El* Deus; quo pacto *Zumala* yi vocis tantum valeat ac *Deus lucis vel diei*. Fac. Theol.

Aboënsis quondam Adj. M MATTH. HALLENIUS, a *Zom*,  
*(dies)*, & *Malech*, (*plenus fuit*) censet *Zumala* apte arcessi, ita ut  
 æternitatem, omnipotentiam & quasi plenitudinem die-  
 rum Numinis notet. Alii vocem per metathesin ab *Elobim* de-  
 ducentam statuunt. Quas conjecturas suo loco relinquimus. Si quis autem hujusmodi conatibus tribuere ali-  
 quid voluerit, poterit etiam vocem nostram compositam  
 statuere, ex vocibus *Zum* vel *Zub*, & *Baal*, quod in  
 compositione ob euphoniam transferit in *Mal*, ita ut si-  
 gnificet *Cœli Dominum*. Est autem *Zum* vel *Num*, adhuc  
 in usu apud Samojedas; & lingua eorum notat *cœlum*,  
 ut habetur in vocabulario Samojedico Msc. b. m. Consil.  
 Dicast. Aboëns. SIMONIS LINDHEIM (e). *Baal* vero  
 Ebraice vel Syriace notat *dominum*, ut patet ex Lexicis;  
 cui affine videri queant verbum *Pallua*, Estonibus si-  
 gnificans *orare, adorare*, & *Palwella* quod Fennis est *ser-  
 vire*, dominis debitum cultum exprimentia. Sed non  
 est operæ pretium his immorari. Objicere autem adver-  
 sus allata, quis forte poterit *Biarmiorum*, qui populi fu-  
 ere stirpis Fennonicæ, idolum proprio nomine nuncupat-  
 um fuisse *Zomala*; cuius templum, apud ipsos olim ma-  
 ximo honore habitum, & in antiquis etiam Islandorum  
 monumentis celebratum reperiatur. Sic dicitur in *Hi-  
 storia Herraudi*, p. 27. *Thar er gofgræd God, thad er Zomala heitir;* Et apud SNORRONEM STURLONIDEM P.  
 VII. sive in *Historia S:t:i Olavi* C. 143. *I garthinom sten-  
 dur Goth Biarma, er Zomali heitir:* cuius ornatus ditissi-  
 mus, loco utroque latius deinde describitur. Descriptio  
 autem Idoli datur, quæ simulacro *Thori* Svecorum, il-  
 lud simile fuisse indicat; & probabile est, cum prædones  
 peregrini, idolum illud *Zumala*, vel Deum appellari au-  
 dissent, veræ rationis ignatos, pro nomine proprio hu-  
 jus deastri illud habuisse, quod tamen fuit appellativum  
 & omnibus Diis commune.

§. V.

(e) De quo cfr. *Nova Acta R. Societatis Scientiar. Ups.* Vol. II. p. 34.

Veteres Fenni superstitione sua & idololatria, primum ferebantur in res naturales præstantiores, utpote sensibus obvias, *Solem videlicet, lunam, stellas, terram, montes, maria, fontes, silvas & lapides*; quibus vel ob proprietates admirabiles, phænomenaque singularia, vel ob usum ad se ex illis redundantem, Divinitatem quandam inesse, putabant. Deinde etiam poëtica quadam fictione, ipsis phænomenis, quorum causas non satis perspiciebant, cultum divinum tribuebant, atque in personas quasi peculiares commutabant, quod etiam *morbis & morti ipsi &c.* contigit. Hæc omnia ritibus quibusdam colebant, & precibus sibi conciliare studebant. Significat hoc AGRICOLA in memorato supra carmine, sic canens:

Pälvestin myös paljo muuta, Colebantur & multa alia,  
Kivet, kannot, tähdet ja kuuta. Lapides, stipites, stellæ & luna.

*Sol oriens*, præcipue oculos & animos hominum, in Ethnicismo, in se vertit, ac ad cultum sui incitabat. De solis cultu apud Lappones, quem *Beiwe* vel *Weiwe* vocant, (Fenn. *Päiwä*.) videatur CANUTUS LEEM in libro *Biskrifwelse öfwer Finnmarkens Lapp-r*. In vetusto quodam poëmate sic Fenni alloquuntur Solem:

Tuo tulliaises tullesasi, Affer veniens munera tua tecum,  
Tuo meill' täytä terverittä; Affer plenam nobis salutem;  
Sürrä saana saattawihin, Promove prædam ad captum,  
Dani ongeemme ohaise, Fortunam ad hamum nostrum  
dirige,

Pyhyö päähän pukalomme. Optata ad pollicis nostri apicem.

Inter *Constellationes* non immerito eminere nostris visa fuit *Ursa Major*, *Ottawainen*, in cuius humeros ascenderet, *Ottawaisen olkapäälle*, in vetustis carminibus idem significi-

gnificat ac in cœlum supremum attolli. Huic vero fideli etiam conjugem, Otawatar (terminatione Savonum & Careliorum fœminina sic vocatam), tribuunt eadem carmina; cuius auxilium contra furem nocturnum, ut hunc cogat rem ablatam reddere, his verbis imploratur:

Otawatar Pâiwân tytið,  
Tule tâne, tarvitahan,  
Onoani ottamahan,  
Kadonnuta kaihtemahan. h.e. Perditam serves.

*Otavatar Solis filia,*  
*Veni huc, opus te est,*  
*Ut rem meam recipias,*

Terram omnes Fennicæ gentes, velut communem omnium animantium matrem & nutricem veneratae sunt, speciatim Ethonum catervæ; a quibus, sunt qui putent hodiernos Fennicæ incolas agriculturæ artem accepisse (f). TACITUS non modo quosdam Germanos *Hertbam*, id est terram matrem (*Hertiæ*, Germanis hodie *Erde*) coluisse docet (g); sed etiam De ÆSTHYIS commemorat eos *Matrem Deum* venerari (h): quo nomine Cybelem, adeoque Terram Romanos significasse, notum est.

Montes etiam & Lapiðes solitarii ingentes, tam apud Fennos, quam Lappones divinitatis honore digni censebantur. Tales montes sacros Lapponia plures habet, sub nomine *Passe vare*; & in Finlandia adest *Gråphyå* in Parœcia *Oribvesi*, promontorium celsum, notas superstitionis in jugo suo gestans, lapides in quadrangularem formam dispositos. *Pyhâmaa*, hoc est *terra sancta* nomen parœciæ est in Finlandia Boreali; quæ aliquid forte sanctitatis olim continebat, licet hodie nulla ejus rei vestigia supersint.

Lacus & Flumina multa reperiuntur, sacrorum nomine notata, quibus prisca supersticio aliquid sacri & divini

(f) Cfr. LINDHEIM in *Novis Attis R. Soc. Ups.* l. c. p. 15.

(g) *De Moribus German.* C. 40. Cfr. SUHM *Ulfh.* om *Odin* 2 B.

2. C. p. 243.

(h) *Ib.* c. 45.

vini tribuit; ut *Pyhäjoki* in Ostrobotnia, *Pyhäjärvi* multis locis, (ut in illa ipsa parœcia, in parœcia *Vichtis* & *Euraadminne*, nec non in Savolaxia & Carelia); *Pyhäämäni* in *Kisko* &c. Cataractæ fluminum majores multis locis nomine *Pyhä* (sancta) insigniuntur, ut in flumine *Uloënsi* & *Pyhäjokensi* in Ostrobotnia; quibus, aut earum numinibus sacra fecerunt homines, vel alias, reverentia earum ae horrore capti, vel cymbas suas demissuri.

*Fontes* superstitione cultos olim fuisse, testantur infinitæ acus, & id generis munuscula, quæ nostris adhuc temporibus, illis injecta multis in locis visuntur. Nympha autem quibusdam fuisse, ex mente majorum, inhabitatas, vel hæc invocatio docere videtur, ad talem Nympham directa, qua auxilium ejus, utpote frigidi fontis incolæ, contra vim ignis imploratur, atque pro sanando vulnere hujus sævitia inusto:

*Silvae, Luci & Frutices etiam frequenter, ut & Arbores,  
(sub nomine Petajat, postea etiam Ristin-Kannot), sacræ habe-  
bantur, & cultu quodam honorabantur. Litteris Papæ GRE-  
GORII IX, datis Perusii XI calend. Febr. A:o 1228 (i), Episcopo  
Finlandensi venia conceditur, lucos & delubra deputata olim  
ritibus paganorum, quæ de novo per eum conversi ad fidem,  
Ecclesiæ ejus voluntate spontanea contulerant, eidem Ec-  
clesiæ vindicandi. Quare etiam Episcopus THOMAS non  
multo post, quandam terram in paroecbia de Mosco cultibus  
idolatriæ olim deditam, Capellano suo WILHELMO jure  
perpe-*

(i) SPEGEL Skrifstiliga Bewis hörande till Siv. Kyrkohistorien  
F. 159, N. 94.

*perpetuo contulisse possidendum, reperitur (k). Delubra autem in literis Pontificis commemorata, non aedes, sed loca tantum quædam sacra significare, eo probabilius est, quo certius constat, (id quod in sequentibus demonstrabitur) majores nostros paganos nulla diis suis templo struxisse; quare etiam, quod de ædibus templi Tomala illius Biarmiensis narratur in *Historia Herraudi*, l. c. aut in eundem modum interpretandum est, aut inter auctoris fabulas, quibus tot tamque absurdis abundat, referendum: idque eo potius, quum STURLONIDES l. c. narret locum tantum fuisse (intra silvam densam) arboribus nudatum, in quo area erat, ligneo sepimento altissimo cincta, ut verba ejus interpretatur SCHÖNINGIUS (Ed. Havn. 1778). In Novellis Aboënsi. A:o 1772. N:o 14. pag. 3. legitur Paulum Lydikäinen, æditum Ecclesiæ Cuopioënsis circa annum 1656 multos ejusmodi frutes & arbores sacras in Cuopio excidisse. Nec illa superstitione ita eradicari plene potuit, ut tales quasdam arbores sacras adhuc in provinciis superioribus, homines quidam fatui non habeant, quas veneratione prosequantur.*

*Ventis* idem quoque honor præstitus esse videtur; nam & in Carmine quodam invocatur *Auster, virgo juvenis, Et letat* (genere feminino) neiti nuori, (l) & *Boream*

---

(k) Diplomate dato Nousis A:o Domini 1234. Ibid. p. 158. sqq.  
N. 93.

(l) Nisi πεσοντωσοις tantum atque Αληγρίας audacem, ut aliarum gentium, ita nostris quoque vatibus familiarem, hujusmodi locis adesse malimus statuere; quod interdum saltem fieri debere indubium est. V. g. Cum canunt *Hifi tyttö, matto neitti, Sudor puella, lac virgo!* Verum potuit contingere, ceu multis aliis in populis, ut has fictiones pro rebus vere existentibus rudis plebecula acciperet, atque allegoricas hujusmodi personas reliquis suis idolis addens, cultu illas religioso, & que ac hæc prosequeretur; ut Romani Pietatem, Fidem, Fortunam, &c. colebant, illisque templa conferabant, sacrificia, precesque offerebant &c. Atque hoc modo factum est, ut similiter ac Gra-



ream præ cæteris magnæ dignationis & potentiaæ deuni habitum credas, si ejus quidem domicilium fuisse putemus Pohjala l. Pohjola Borealem villam, s. habitationem atque sedem, in carminibus nostris stratum superstitionis fa-

ei Romanique olim cuivis fere fonti, arbori &c. suum deum nymphamve præponerent, nostri quoque maiores singulis fere rebus naturalibus, tales genium tutelarem tribuerent. Sic Ferro deus quidam præses imperavit Nauta Nehki, vel Nauta Neeki dictus; quem honoris causa, & ad præstantiam ejus significandam reperias ornari epitheto Rulta: kilpi, Aureo scuto insignis. In hujusmodi vero deorum nominibus indicandis, vetusta carmina constantiam non servant; ita alio loco de Ferro dicitur:

Nauta Poika Vuolangoisen, Ferrum filius dei Vuolangoinen  
Emå Naudan Ruojuatar, Mater ferri dea Ruojuatar (quasi rubigo s. ochra)  
Ac rursus alio Nauta poika Vuolahaisen (Vuolai: Ferrum filius dei Vuolahainen (s. de  
nen l. Vuolahainen), gente Vuolainen)  
Vuolahattaren, (Vuolahattaren) tez Deæ Vuolahetar, (quæ ejus uxor?)  
femæ, opus.  
Lemmettären liehuttama, (al. lieku: Deæ Lemmetår, (quam caloris deam  
tama?). esse, ipsum nomen indicat) afflatus  
genitum.

In quibus Allegoriae vestigia haud obscura comparent. Sic Vapor calidus balnei, Ldvly, in carmine quodam ei dicato vocatur Ldvly poika Auterinen (Auterisen) Auterettaren tekemä, Vapor filius dei Auterinen, Opus deæ Auteretar (quæ dei istius conjux?) cuius dei deæque nomen a verbo autta (juvare), derivandum esse credam (quasi juvatorem & juvatricem dicas), quod balnei hunc vaporem Fenni nostri omnium fere morborum remedium esse credunt optimum. Additur etiam deinde: Hiki wanhan Vainamöisen, sudor senis Vainamöinen h. e. divinus. Sic Ignis genius vel parens allegoricus, in carmine quodam dicitur: Punaparta, Tuonen poika, Ahenobarbus, mortis filius. Alio carmine morbus infantum Niisi, Atrophia, dicitur: Niisi poika Nijentehen, Nijente hen, Nålijantehen (alia exemplaria habent Niiwanteen, Nåhwanteen); quos Atrophiæ natales fateor mihi esse interpretatu difficillimos; addit vero deinde vates:

Illi tulta Ilmarinen, h. e. Ignem elicuit (ex silice) Ilmarinen (aëris deus.)  
Wålähytti (wålkyytti) Vainamöidi Scintillam coruscantem excussum Vainamöinen.

mosissimam (m): qua sententia probata, etiam *Matrem familias Borealis sedis*, Pohjalan Emāndā, cuius frequensissima fit in iisdem carminibus mentio, uxorem ejus fuisse statuendum videtur; de qua infra commemorabitur.

*Boreæ autem conjugem nostros dedisse, mirum haberi minime debet, cum nec saniores fuerint olim Atheni-*

*Atque paucis interjectis subjungit: Yolla poltan Rijen suuta, Rijen hamasta hajotan, h. e. quo (nempe igne illo cœlesti) aduram Atrophicæ os, Atrophicæ dentem coquimmo. Plura exempla addere hujusmodi Protopopæiarum atque Numinum allegoricorum, locus prohibet.*

(m) Ita se. jam hæc varie mutata, interpolata, truncata, & commixta, ab ipsis mystis adhibentur, ut difficulter ex iis tuto pleneque eruas, qualis revera veterum Fennorum Mythologia olim fuerit. Celebrem illum locum Pohjola, in ultimo borealis plagæ angulo situm, ex majorum nostrorum opinione, fuisse, præter multa alia argumenta, vel nomen ipsum demonstrat; frigoris patria sedesque consequenter habitus simul fuit; Unde synonymum ejus sere semper reperias esse Kylmå hylla, Frigidus pagus, l. locus. Ex. gr.

*Tunwos hyttå Pohjolasta, Adducito nivem aquosam ex Boreali  
Täntå kylmåstå kylmåstå. Glaciem ex frido pago. (sede.*

Item:

*Syntyi Neiti Pohjolasta, Nata est virgo in Boreali sede,  
Impi kylmåstå kylmåstå. Puella in frido pago.*

Sed in hoc ipso remotissimo boreali atque frigido domicilio, deorum insignem numerum habitasse, interdum significare videntur; ut in sequenti carmine, (quo tamen Frigus compellari videtur):

<i>Tule Poika Pohjolasta,</i>	<i>Veni juvenis ex Boreali domicilio,</i>
<i>Mies iso Jän alostा,</i>	<i>Vir magne ex patris sede,</i>
<i>Weicō wemon joutista,</i>	<i>Frater e sociorum ectu,</i>
<i>Hjinen kattila kädesså,</i>	<i>Nive-gacieque-repletus-lebes in manu (tua sit),</i>

<i>Hjinen kauha kattilasta;</i>	<i>Nive-gacieque-obductum-cochlear (Slef) in lebete</i>
---------------------------------	---

*Wissea wilua wettå &c.* *Adsperge frigidam aquam &c.*

Malorum vero atque nocentium deorum, imprimis credas sedem fuisse; non enim uno loco mystæ ad vulnus sanandum atque dolorem, cui mederi nituntur, superandum, deorum dearumque omnium, & superero-

nientes; qui, testante HERODOTO, Boreæ acceptum fer-  
abant, quod triduano suo flatu vehementi classem Xer-  
xis dissipasset, & ex ea quadringentas naves submersis-  
set: Quem favorem sibi Boream præstitisse autumabant,  
propter Erithyam Erichthei filiam, Atticam, quam in ma-  
trimonio habebat. Lib. VII. Cap. 189.

*Frigus* etiam ut Numen quoddam, cultum & invo-  
cationem ab ipsis meruit. Ut patet ex hac precatiuncu-  
la, qua morbos vulneraque ex inclemencia ejus orta sa-  
nare voluerunt:

Packanen puharin (puhurin) (n) *Frigus flaminis* (Boreæ, ut vi-  
poika, detur) fili,

C 3

Aia

rum & inferorum implorantes opem, (flectere si nequeant superos, A-  
cheronta moturi) impie dicunt;

Onko Hiitâ Pohjolaessa  
Jumalata Laiwahassa,  
Lämän pulman purkajata,  
Lämän jaron jarajata? sc.

Estne Dæmon aliquis in Boreali sede,  
Deus aliquis in cœlo,  
Hujus incommodi (sævitiae) remotor,  
Huic labori peragendo par? &c.

Atque in alio carmine mysta morbum abacturus ex malitia atque in-  
cantamentis magi alterius, scilicet, ægroto immissum, hac utitur exor-  
cismi formula:

Mene tuonne tunna kâffen,  
Hiiden hiisi huonesehen,  
Pimiâän Pohjolahän,  
Miesten syöjäin kylähän;  
Kuus' on muutkin murhamiehet,  
Kieiset (ikuiset) pahan tekiät. h. e. Perpetui maleficī.

Abi illuc quorsum jubeo,  
Dæmonis prunis-infestam-in-domum,  
Caliginosam in Borealem-sedem  
Anthropophagorum in pagum;  
Ubi sunt alii quoque homicidæ,  
Kieiset (ikuiset) pahan tekiät. h. e. Perpetui maleficī.

Facile hinc patet, ideas quasdam, majores de *Tessera* jam tum habuisse, & malis geniis, carmini huic immixtas; quod firmat conjecturam, malis diis sedes ad ipsum septentrionis verticem fuisse olim assignatas; in horum autem numerum *Boream*, propter sævitiam suam, in his terris notissimam, relatum, ac forte loci illius dominum habitum fuisse. Cfr. quæ de hujus domicili matrefamilias infra dicentur.

(n) Alia exemplaria habent etiam Pyharin, & quædam Pupulit. Cujusmodi atque multo majores variationes in carminibus hujus generis rarae non sunt; vix enim duo reperias calamo excepta eorum exempla, quæ per omnia consentiant; quod neque mirum videri debet.

Kylmå kynsiåni,  
 Kylmå päättåni palele!  
 Kyll' on sulla kylmånnistå;  
 Kylmå soita, kylmå maita,  
 Kylmå puita ja pehujä,  
 Kylmå kowia kiviå!  
 Tulta (tulen) tungen suckahani,  
 Kekälletå (kekäläisen) kengähåni,  
 Packasen pastemata,  
 Kowan ilman kostemata. h. e.

Noli adurere ungues meos,  
 Noli caput meum frigefacere!  
 Satis habes quod geles;  
 Gela paludes, gela tesqua,  
 Gela arbores & frutices,  
 Gela duros lapides!  
 Ignem intrudo in tibialia mea,  
 Carbonem in calceos meos,  
 Absque læsione a vi frigoris,  
 Absq; noxa a sæva tempestate.

Morbis quoque divinitas adscripta est; quos placare  
 precibus & ritibus variis, consultum videbatur. Deam  
 autem quandam, nostris creditam esse, morborum præ-  
 sidem ac potentem, carmina fidem faciunt; in quibus a-  
 liquando vocatur Kipumåen Iso Emåndå (*morborum collis magna materfamilias*), atque etiam nomine expresso Ki-  
 wutar, (a Kipu *morbus*) kauhia Emåndå *Morbona terribili-  
 lis matrona*, plerumque autem *Puella mortis filia*, vel  
*virgo*, nuncupatur; cujus sedem & officium ita describunt:

Kipu tyttö tuonen neisy,  
 Kipuja koloelepi,  
 Kessellä kipu-mäkiå,  
 Kipumåen kuckulalla;  
 Kirja wackanen kådeså (o),

Kirja kansi kainalosa;

Tikiå tihuttelepi,  
 Ruin ei näe kivut tulewan,

Eikå wammatt waisahuwan.

Morbus puella, mortis virgo,  
 Morbos studiose colligit,  
 In medio morborum colle,  
 In morborum collis vertice;  
 Variegata capsula est (illi) in

manu,  
 Variegatum operculum (capsæ)

sub axilla;

Lacrimas uberes destillat,  
 Cum non videt morbos ve-  
 nientes,

Neq; ulcera(vulnera) accedentia.  
 Implo-

(o) Alia exempla, loco hujus & sequentis versus habent:  
 Kulta kauhainen kådeså, h. e.      Cochlear aureum manu gestans.



Implorabant vero illam ut morbos ab hominibus abigeret atque ad sese revocaret, sicque ab eorum injuriis ægrotos liberaret: nec dubitabant mystæ, per exorcismum quendam ad dominam suam illos ablegare; Exemplo hæc sunt veteri carminis loca:

Kipu tyttö tuonen neito,  
Kiwut kiini ottiwohon,  
Kirjawahan kippasehen,  
Wakkiahhan wackasehen!

Morbus puella, mortis virgo,  
Morbos captivos factos inclu-  
In variegatum vas, (dito,  
In splendidam capsam!

Item:

Quonne mä kipuja kiißän,  
Quonne mä panen pahoja,  
Keskelle kipu mäkiä,  
Kipu wuoren kuckusalle!

Illuc morbos abire jubeo,  
Illuc colloco mala,  
In medium morborum collis,  
In morborum montis verticem.

*Mors ipsa*, Dea quoque esse putabatur, cui nomen  
Quoni vel *Marta* (*p*) additum, regnumque & domicili-  
um ejus, seu status defunctorum Quonela nuncupatum.  
Senex quidam pescator, sic canere auditus est, mortis in-  
dicium sibi ominatus, cum piscatura eum sefellisset:

Joko nyt Marta merrasani,  
Quoni liene tokeisan,

Jamne Letum cassem meam,  
Mors invasit instrumenta pisca-  
toria mea,

Että kaloist̄ owt paiz̄i,  
Eyhjät weden sikiidistä?

Quod piscibus sunt vacua,  
Cassa aquæ prole?

### §. VI.

Sed fingebant majores nostri alias præterea naturas,  
seu Genios & Dæmones, quibus divinitatem adscribabant;  
verosimiliter priscos heroes vel viros summæ olim au-  
ctori-

(*p*) Cognatum est vocabulum *Marras* fragilis, *Morti proximus*;  
Unde *Marras* Euu, November. Dicunt etiam: Ruolema lyppi ihmijet  
maahan martahari, Mors homines dejicit in terram exanimatos.

ctoritatis, quos præficiebant cœlo, ventis, piscibus, bello, paci, annonæ, rebusque aliis usui vita inservientibus. Quorum numerus fuit omnino maximus; sed non omnes tamen eodem honore afficiebantur, nec a tota natione Fennica, singuli esse culti videntur. Unde Dii Fennorum, ut olim Græcorum & Romanorum in Deos majorum & minorum gentium dispescendi veniunt. Prioris generis cum *Diis* Romanorum *consentibus*, quodammodo comparandi, totius fere Fennicæ gentis patroni fuerunt:

i. UCKO vel UCKONEN; nomine *senem* significante. Hunc primarium fuisse totius Finlandiæ Deum, cœloque præfectum, vel inde credas, quod tonitru nostris Uckonen l. Uckosen jylinå (s. jyrinå) Uckonis l. Senis fragor adhuc dicitur: hanc autem tonandi in nubibus atque pluvias ciendi provinciam, omnes gentes summo Deo, reliquorum Regi & domino, augusto atque tremendo hoc phænomeno perculsi, tribuerunt. Ipsi etiam adscriptam fuisse felicitatem annonæ, hinc credibile est, & tempestates lœtas (q). Vocabatur quoque Pitkäinen seu *longus*, ut inter Deos maximi corporis & staturæ: quibusdam etiam

---

(q) Hæc omnia confirmat AGRICOLÆ carmen saepè jam commoratum, ita de Careliorum idolatria loquentis;

*Ta* qwin ferwâylud kyluettin,  
*Silloin* Ukon malja juotiiñ,

Cum vero satio verna perageretur,  
Tum Uckonis poculum ehibebatur,

(in ejus honorem),  
Quem in finem investigabant Uckoniſ craterem.

*Eihen* haetin Ukon wacka,

Ita inebrietate sunt cumi puella tum

anus,

*Sjutta* palio hâpie sielle techtin,  
*Qwin* seke cwltin ette nechtin,  
*Qwin* Rauni Ukon naini hârsky,

Inde multa turpia ibi siebant,  
Quæ eum audiebantur, tum videbantur.  
Cum Rauni Uckonis uxor streperet,

*Kalostti* Ucko pohjasti pârstky.

Valide Ucko prorsus tonabat.

*Se sis* annoi ilman ja wden tulon,

Ille igitur dedit tempestatem (exoptabilem) & novam annonam.



etiam dictus *Isänen* seu *Pater*, forma diminutiva, (ad pietatem affectumque exprimendum): nec non *Wanhämies*, seu *vir senex*, tanquam totius aukæ coelestis lenior & præses (r). Hisce videlicet nominibus Deus fulminis

## D

potens

(r) Non dilimulandum tamen, haud videri Dmo PRÆSIDI sententiam haue de *Uckone*, summo quondam Fennorum Deo, dubiis omnibus vacuam: 150 quod rarissime ejus in Carmínibus vetustis, contra quam fas sit expetare, mentio fiat, nec ita unquam certa, ut nomen *Uko*, *senex*; etiam appellativum haberi non possit, ac honoris causa, alii cuidam numini esse tributum statui nequeat. Quin apertissime alix quoque res aliquando hoc nomine *Senis*, venerationis quasi teßandæ cauſa, honorantur; Sic ex. gr. *Urssum* sibi conciliaturi, blande eum compellant, in carmine appellant: *Uckiseni*, *linduiseni*, *Kaunoiseni*, *kuldaiseni*, "Senex mi (dilecte), avicula mea, Pulchelle mi, aureole mi (sc. amice)". Atque hoc carmine, quo felicem Leporum capturam sibi expetunt, ac *Tapionem* igitur potius quam *Uckonem* invocari probabile est, ita eum alloquuntur:

<i>Ulna Uko ubiansi,</i>	<i>Largire Senex oves tuas,</i>
<i>Ulna sinahat omans;</i>	<i>Largire arietes proprios.</i>
Quasi pecora enim ejus domesticā, hæc habebant; paucisque interjectis pergit vates:	
<i>Uko kullainen kuningas,</i>	<i>Senex aurec rex</i>
<i>Tuuros ilman tuusimata,</i>	<i>Adducito ita ut nihil præsentiant,</i>
<i>Waronata waaputele</i> (al. <i>waapu</i> : De cavendo non admonitos admoste).	<i>De cavendo non admonitos admoste.</i>

250 Quod eadem carmina nullum alium deum exhibeant illo, qui *Wähnämöinen* dicitur superiorem; hic autem summa quævis semper perficiat, ei nullus resistere valeat, is honoris causa *Wanhä*, *Senex*, proprio quodam epitheto ubique dicatur, atque *Jyvä wanha Wainämöinen*, *Ipsenex Väinämöinen*, plane emphaticè plerumque audiat, fulminandi etiam potestas ei atque *aëris deo*, *Jälarinen*, tribuatur, ita tamen, ut huic ille semper præferatur; quin expresse aliquando *Uko wanha Wainämöinen* appellatur. Videri igitur queat, hunc ipsum *Wainämöinen* supremum fuisse Fennorum Deum; atque cum fulminis dominus *Uko* aut *Uckonen* &c. nominaretur, eum ipsum fuisse intellectum, indeque hanc appellationem fulminis adhæsisse. Tempore vero Papismi, diviso eum *Maria matre virgine*, *Neitsy Maria Enseinen*, imperio contentus esse cogebatur; quare etiam interrogatus unus ex mystis *Careliorum*

potens a Fennis appellatur. Idem fuit igitur ac *Thor* Svecorum, Celtarum *Taranis* (tonitru enim adhuc Galica & Scotica vetere lingua *Taranich* vocatur), & Lappo-  
num *Atia l. Ajia*, quæ vox *avum* proprie significat, at-  
que nostrum *Ajä* (*senex*, idem ac *Ulf*), manifesta cognatione attingit; (*Ajä* etiam Fennis pro *Ulf* *Anus*, in usu est). Licet autem tonitru & fulgur in Uckonis præcipue essent potestate, tamen non ita soli vindicabant, quasi alii Dii illa ciere non possebant. Nam in prisca carminibus diti *Vainamöinen* & *Ilmarinen* etiam ut fulgoratores celebrabantur, ad potentiam eorum designandam: de qua re mox exponetur.

II. CALEVA insigne nomen inter Fennos, habuit. Gigantem fuisse, atque ut primarium olim ducem ipsorum, vulgi carminibus celebrari, asserit in *Descriptione sua paracie Paldamoensis*, Præpositus olim ejusdem ecclesiæ JOH. A. CAJANUS (s). Nobis nulla talia carmina neque visa neque audita sunt. Duodecim porro robustissimos eum filios habuisse idem tradit, qui non omnes tamen noti sunt: ut præciuos, nominat *Soini*, *Häisi*, *Ri-  
hawanssoinen* (t). Quin ipsos illos celebres olim gentis  
deos

haud infimæ famæ, quis olim majoribus suis paganis deorum habitus esset maximus? lepide respondebat: *Senex Vainamöinen* & *virgo Maria ma-  
ter*; tempora non distinguens. Horum autem auxilium in carminibus veterum superstitionis, maxime implorari repererat. Post cognitum, per Christianismum, verum Deum summum, huic quidem primas dederunt homines; sed ita tamen, ut vetera idola ei adsoCIarent. Itaque hujusmodi reperias preces: *Ihsu ilmoinen Jumala*, *Ihsu wanha Väinämöinen*, *Ihsu seppä Ilmarinen*, *Länsi myöskin tarvitahan*, h. c. “Ipse note (vere) Deus, Ipse senex Vainamöinen, Ipse ferrifaber Ilmarinen, Hic vobis quoque opus est”. Hæc igitur ulterius perpendenda significare voluimus.

(s) Vid. *Lidu*, utq[ue]ne ds et *Sällst*. i Åbo, A:o 1777, N:o 18. p. 140 sqq. Cfr. MATHESSI Disp. de Ostrobothnia p. 18. sqq.

(t) Hujus nomen non habet l. c. MATHESIUS, qui contra no-  
minibus *Vainamöinen* & *Ilmarinen* addit *Lielibönen*.



deos Wainamoinen & Ilmarinen filios ejus fuisse, ibidem narratur. Post fata divis adscriptos esse, credere licet. *Filios Calevæ, Kalewan pojat,* (quo nomine Gigantes Fenni significant) inter veteres Tavastorum deos recenset AGRICOLA l. c. ac de iis canit: *Calewan pojat nijtut ja mwdh löt,* h. e. *Filiæ Calevæ prata aliaque metebant.* Itaque pratis & foenisecio fuisse praefectos, oportet. Idem sensit auctor Carminis Latini de priscis Fennorum Idolis (de quo vid. Tidn. utg. af et Sällskap i Åbo, a. 1778. N:o 15), sed Calevæ ipsi hanc provinciam assignans his verbis:

Prata bonus Kalevas viridanti gramine texit,

Atque replet foeno rustica testa novo.

Kalewan miečta, i. e. *gladius Calevæ*, in partibus Finlandæ Australioribus hodie vocatur fulgor autumnale, quod hordeum maturare creditur, (vulgo Korn-blöf) (u), quod phænomenon Satacundentes & superiorum regionum insolæ Salama vocant.

III. HIISSI, inter filios Calevæ (genealogia sc. illa quam CAJANUS l. c. tradit, probata), fortissimus, idemque ferocissimus gigas habebatur. Hic, ut Deus ursorum & ferarum domitor colebatur. De Careliis id testatur l. c. AGRICOLA, canens: *Hiiſi meželeiſt ſoi woiton,* i. e. *Hiiſi de feris largitus fuit vittoriam,* sive ut vertit auctor Carminis latini nuper laudati:

Hiiſi prosequitur tristeis ursosque luposque.

Sæpiſſime ejus fit in carminibus mythicis mentio, ſemper ut potentis, ſed simul ferociſ & terribilis; unde eti-

D 2

am

---

(u) Aliud autem significet in his verbis oportet, quibus *ortus serpentis* mythice exponitur (Kärmén synðy);

*Miſt' on kielo keitolaisen?* Unde *langua coquinarii?* (Serpentis, qui venenum in ore gignat & qualis coquat?)

*Miektä Kalewan pojat,* h. e. *E gladio Calevæ filii* (h. e. formidolofissimo?).

am ejus domicilium, *Hiisi* l. *Hiitis*, ut locus teter & horridus, animo concipiebatur: ita ut mala alicui imprecans etiamnum vulgus dicat: *mene Hiiteen, abi in locum ubi Hiisi habitat h. e. in malam rem.* Ob quam nomini ejus adhærentem ferocitatis notionem, feræ etiam bestiæ, (alias *Pedot*) *Hiidet* vel *Hijet* appellantur; imo malo etiam genio designando, hæc vox adhiberi coepit fuit. Filiarum etiam ejus in carminibus fit mentio, quin etiam *Caballi* in suo genere plane eximii, nec non *felis*, animalis ferocissimi, cuius opem imploratam reperimus in carmine, quo furem ad rem ablatam restituendam cogi posse putant: *Kipinätär* *Hiien siha*, *Newi reiså jalostti*, *Kipinänä* *kirehtiöö*: h. e. “*Kipinätär* (terminatione feminina, quasi dolorificam dicas,) *divi Hiisi feles*, *Lacera temora acriter*, *Scintillæ* (urentis) *instar ad festinandum urge*”, furem nempe, rem ablatam restituere festinantem præ dolore. De cætero, ubique fere in Finlandia extant loca, quæ nomen ab hoc *Hiisi* habent, ita ut vel hinc per totani terram nostram cultum fuisse, appareat; talia sunt: *Hiisi*, villa in *Pikis*, *Hiidenala* in *Pemar*, *Hiitis* in *Kimito* & *Lojo*, *Hiidenkangar* in *Nousis*, *Hiidenwest* & *Hiidenwainio* in *Vichtis*, &c.

Immo, Dæmon custos montium metalliferorum, in carmine, quo favor ejus ab homine occultas ejus divitias investigaturo imploratur, quasi honoris caussa appellatur huic *Hiisi* cognatione propinquus. Verba sunt:  
*Eule Hiien heimolainen,*      *Veni divo Hiisi sanguine con-*  
*Wuorten haldia hapia* &c. h. e.      *juncte,*  
*Montium- custos- dæmon ex-*  
*imie &c.*

Ut plura de illo in carminibus mythicis prædicata, jam præteream.

IV. TAPIO sylvarum Deus, venatoribus prædas concessit,

cessit. De hoc AGRICOLA l. c. Tavastorum Deos recentens: Tapio mehest pydhyret soi, h. e. *Tapio de syrva capiendi instrumenta (prædam?) concessit.* Precatiuncula ad ipsum (conjugemque suam) directa, sic audit in vetusto carmine, post Christianismi tamen tempora, ut quisque videt, absurde interpolato:

Mehän Euhko faunis karwa,	Sylvæ matrona, pulcricoma (l. pulcra forma insignis),
Tuo ihe mehän Tapio;	Tu iple sylvæ (dominus) <i>Tapio;</i>
Pinneys Tapion poika,	<i>Pinneys fili Tapionis,</i>
Alå pida, alå pirnei:	Noli detinere, noli cohibere:
Sinun on Ristus ristinnyynä,	Te (enim) Christus baptizavit,
Kaickiawda kastanunna,	Omnipotens aqua adspergenda initiavit,
Kessellän mehän kehoa.	In media sylvæ regione.
Eule kuin tuli punainen,	Veni ut ignis ruber (cito scil.)
Wieri kuin wesi kesäinen,	Proflue ut aqua æstiva (addu- cens scil. prædam tecum),
Kessellä kulta rengaiseni,	In medium orbem dilecti retis mei,
Awoimen apajaiseni. h. e.	In apertum spatium everriculi mei.

De conjuge hujus *Tapionis* dicemus infra. Ipse in carminibus appellari solet: Mehän kullainen kuningas, *Sylvæ aureus* (præstantissimus) Rex, atque sedem suam, quæ *Tapiosla* (*Tapionis domicilium*) vel *Mehrola* (quasi *sylvæ aula* seu *villa*) vocabatur, in abditissimæ sylvæ regione habere credebatur. Inde medicinam vulneribus ulceribusque sanandis præstantissimam adportare, *Apis*, sacrum nostris olim insectum, in carminibus frequentissime mythicis jubetur, mel nempe sive nectar divinum, omni malo dolorique leniendo efficax:

Mehiläinen pieni lindu,	<i>Apis parva avicula,</i>
	D 3

Tuopas mettå Mehtolasta,  
Simoa Tapiolasta. h. e.

Postquam vero Christianismus docuisset, deorum sedes ex terra in coelum removere, etiam longius iter Apis fuisse imperatum videtur, divinum hoc mel vel nectar adducturæ; ita in alio carmine hujusmodi mandatum illi reperimus dari:

Mehiläinen isman lindu,  
Pennä tuonne lähhyttele,  
Yheren meren ylihe,  
Meri puolen hymmenettå;  
Käy kuun kehää myöden,  
Päivän päärymättä samoa;

Tuo mettå Mehtolasta,  
Simoa Tapiolasta. h. e.

Hunc deum etiam precabantur, cum vere pecora in sylvas pastum emitterent, ut a ferarum insultibus, suo dominio subjectarum, ursi imprimis, illa tutaretur; quas preces his verbis carmen vetustum exhibit;

Mehän (meħān) pullainen kunin-  
gas,

Mehän hippa halliparta,

Pane panta pihlajainen

Onaberri nenän nykerön (v),

Kuin ei pihlaja pitäne

Niin sâ rautanen rakenna &c.

V. ILMARINEN, aeris tempestatumque præses & domi-

Adduc mel e sylvæ villa,  
Nectar e Tapionis aula.

Apis, aeris (incola) avicula,  
Vola illuc, alas per ærem agi-  
Novem super maria, (tando,  
Usque ad decimi dimidium;  
Vade qua lunæ rotundatur halo,

Solaris disci extremitatem pre-

mens, iter festina;

Adduc mel ex Sylvæ-villa,  
Nectar e Tapionis aula,

Hunc deum etiam precabantur, cum vere pecora in syl-  
vas pastum emitterent, ut a ferarum insultibus, suo do-  
minio subjectarum, ursi imprimis, illa tutaretur; quas  
preces his verbis carmen vetustum exhibit;

Mehän (meħān) pullainen kunin-

Sylvæ hippa (vox obscura) æ-  
nobarbe,

Applica vimineum cingulum  
(capistrum) ex sorbo

Circum proboscidem (ursi) bre-

vem.

Si ex sorbo non satis firmum sit,

Tum ferreum fabrica &c.

(v) Nykerän alii; quin & nykerä, ut sit imperativus verbi, signifi-  
cans cinge.

minus fuit; quem igitur etiam pro serena & lata tempestate obtinenda, itineribusque prosperandis, invocabant. Ipsum nomine, ab ilma (aëre, ejusque ac cali constitutione) natum, munus suum mox indicat. De Tavastorum diis cariens AGRICOLA l. c. scribit: *Ilmarinen rauhan ja ilman tei, Ja mactamiehet edeswei. h. e. Ilmarinen pacem (aërem serenum?) & tempestatem tranquillam præsttit, Atque iter facientibus successum dedit.* Socius ferre perpetuus, in carminibus mythicis deo *Vainamönen* adjungitur, quem vel tonaste, vel alia præclara edidisse facinora, nisi hoc comitante, vix reperias. Perpetuo ferre epitheto in iisdem carminibus *Soppa faber* appellatur; quæ in igne quoque generando insignes ejus fuisse partes, ostendunt: Adeo ut cum Vulcano Latinorumque aliquam habuisse similitudinem videatur.

VI. KEKRI, s. alia dialecto KÖYRI, (nam prior illa forma Careliis propria est (x)), Episc. AGRICOLÆ l. c. dicitur ex Careliorum mente rem pecuariam curasse: *Kekri se liseis carian casmon, Kekri auxit pecoris incrementum.* In cuius honorem compotationes & convivia in eunte hyeris celebrabantur, quæ cum festo Agni Paschalis Judæorum similitudinem quandam habere, non paucis visa sunt; descripta reperiuntur a *Pastore bodie Pudasjervensi* M. ERICO CASTREEN, in Diss. Aboæ Svecitice edita A:o 1754, de *Territorio Cajaneburgensi*, §. 35. p. 76. Cum hoc festo magnam similitudinem haber illud, quod locis adhuc quibusdam Careliae & Savolaxiae, die *S. Olai* celebratur, quo agnus ille sacer *Willawuona* dictus, mactatur & consumitur; quod descriptum legit potest in Diss. *Præpositi bodie ac Pastoris in Leppävirta* M. GUST. FRID. AURENII: *Præsagia tempestatum, quæ colle-*

(x) Ad quorum rationem etiam *Rekritär*, terminatione feminina, (quasi hujus *Rekri* vel uxor vel filia), superioris regionis incolis *spærum* dicitur.

collecta sunt in Carelia exhibente, (Ab. 1751.) §. III. p. 13  
 sqq. Ac non modo locis quibusdam, festum utrumque in unum coalusse sensim videtur; sed etiam, tempore Papismi, Festum Omnim Sanctorum, cum illo, quod in memoriam veteris illius idoli celebrabatur, confusum fuisse apparet: unde dies omnium sanctorum, hodie etiam quibusdam locis Kōyri pāiwā, h. e. dies idolo illi Kōyri vel Kekri sacer, vulgo dicitur. Multis enim locis Kekri & Kōyri promiscue dicitur. Dubitandi vero causa non levis suboritur, annon *Agrorum cultui* potius quam *rei pecuariæ*, ille Kekri l. Kōyri præpositus olim fuerit; aut toti forte rei rusticæ? Cum agrorum certe cultu arctam rationem habuit festum illi dicatum, tempus illud celebrandi &c. Instituebatur hæc celebritas autumno vergente, post tritaram frumenti peractam, dum in paleis & stipulis comminuendis agricultoræ occuparentur, larga, ut indicavimus esculentorum potulentorumque præbita copia: ita ut festi eucharistici similitudinem, ob felicem annonæ proventum celebrati, non obscure prodat. Ex hac celebritate remansit, ut adhuc multis locis, dies post festum vel convivium (sc. *Autumno celebratum?*), quo rustici maxime crapula laborant, Kōyri appelletur. In carminibus vero antiquis, nullam hujus idoli mentionem injectam reperimus.

VII. VÄINÄMÖINEN; qui Äinemöinen AGRICOLÆ l. c. audit, de Tavastorum diis canenti: Äinemöinen vir dhet tacoi, h. e. Äinemöinen carmina fabricavit, ab eo ut rei Poeticæ tantum præfectus commemoratur. Sed ille non modo Apollinis loco nostris fuit per totam Finlandiam cultus, Poetas Runas suas sive Carmina compонere docens, (cujus igitur opem haud raro invocant), Musicæ primus auctor, itemque eruditioni, si qua hic fuit, ingeniique culturæ, benignam præstans operam; sed longe omnino ampliorem habuit provinciam. Cfr. nuper

nuper dicta, not. (b). *Zyræ* quidem (quæ Randeis nostris) inventionem, disertis verbis vetusta carmina illi adscribunt, ac miram ejus hoc instrumentum tractandi peritum, non secus ac Græci Orphei artem, celebrant. *Ignem* etiam ab eo in terram primum esse delatum, eadem carmina innuunt; quæ *Navium* etiam ædificandarum insignem fuisse artificem, perhibent. Una cum socio suo *Ilmarinen* fulminis potentem fuisse, vel hi versus docent, supra jam allati:

*Iffi tulta Ilmarinen,* Excitavit ignem *Ilmarinen,*  
*Wålkhyteli Wåinämöinen.* Fulguravit *Wåinämöinen.*

Quæ pluribus deinde verbis exponuntur, mythicisque nugis adornantur; *ignis sc. natales*, hoc ipsum carmen exhibit. Contendere cum eo ausum deum *Jouckavainen*, juvenem, (quare semper appellatur *nupri, adolescens*), se vere punivit; de quo certamine plura commemorant carmina vetusta. Sequens vel ideo apposuisse juvabit, quod potentiam *Wåinämoinis* simul adumbrat, atque ad eo totius terræ formationem ei adscribere videtur:

*Ennen wanha Wåinämöinen,* Olim senex *Wåinämöinen,*  
*Ta tuo nuori Jouckavainen,* Et juvenilis ille *Jouckavainen,*  
*Eulit tiellå wasturuta:* In via sibi invicem occurebant;  
*Aisa aishan takisti,* Temo trahæ (fisselstång) temo-  
*Wembel tartui wembeseen.* ni adhæsit,  
*Arcus trahalis (loka) implicaba-*  
*tur arcui.*

Tum *Jouckavainen*, juvenili arrogantia elatus, dixit:

<i>Se nyt tiellå olkohon</i>	<i>Ille nunc viam teneat,</i>
<i>Koka tieneipi enämmin;</i>	<i>Qui majore pollet scientia;</i>
<i>Se tielldå pois poikeikohon,</i>	<i>Ille de via decedat,</i>
<i>Koka tieneipi wåhekimii!</i>	<i>Qui minus novit!</i>
<i>Muistan meret kynnetypyi,</i>	<i>Memini ego maria arata (y),</i>
<i>Sarka jaot sauwotupi,</i>	<i>Jugera primum mensurata (z),</i>

E

*Ilma*

Ilma pielet pistethyi,  
Mäet myllemidethyi,  
Kivet luoduxi kokohon. h. e.

Aëris postes erectos,  
Montes exaltatos,  
Lapides coacervatos.

Respondet *Väinämöinen*:

Lapsen tieto, waimon muisto,

Scientia infantis, memoria  
mulierculæ,

Ja ei Uron partasuisen!  
Minnu on meret kyndämäni,  
Sarkajaot sauronani,  
Jimapielet pistämäni,  
Mäet myllemidemäni,  
Kivet luomani kokohon. h. e.

Nec viri barbatil!  
A me sunt maria arata,  
A me jugera mensurata,  
A me postes aëris erecti,  
A me montes exaltati,  
A me lapides coacervati.

Comprehendit deinde Jouckavanum, & projicit in stagnum, dicens:

Mitäs mulle nyt lupaati,  
Jos mä luowutan luotteheni,  
Pyörytän pyhät sanani. h. e.

Quid jam mihi promittis,  
Si fatum tuum relaxo,  
Et verba mea sancta revoco?

Jouckavainen respondet:

Lupaan ainoan sisareni,

Promitto tibi sororem meam  
unicam,

Kossas tulut kosihin. h. e.

Quando venis procatum.

In alio carmine ejusdem generis, Jouckavainen, semper adversus senem Väinämöinen petulans, (nunquam licet impune), provocat hunc ad canendum, his verbis:

Laula, laula Väinämöinen,  
Hyräxi hyvä sukuinen. h. e.

Canta, canta Väinämöinen,  
Ede stridorem claro prognate

Pergit Poëta:

genere.

*Euo-*

(y) Intellige emollita, (ut ager aratro emollitur), hoc est fluida primum *fæta*, sive creata.

(z) Scilicet tam vetusti instituti hoc visum poëta fuit, ut omni hominum memoria prius haberet, a mundi initio, diisque auctori- bus, arcessendum.

Uopha wanha Väinämöinen	Ille vero senex Väinämöinen
Warmon kyllä wastaesi,	Strenue satis respondebat,
Varainen on laulamäxi,	Matutinum nimis est tempus cantandi,
Aicainen ilon teori.	Tempestivum nimis, gaudium excitandi.
Leuwat lijku, pää järissi,	Maxillæ movebantur, caput tremuit,
Kiivet rannalla rakowi,	Lapides in littore disrumpe- bantur,
Paet paucku kalliosa,	Saxa crepuerunt in rupibus (cum crepitu diffringebantur),
Väinämöisen laulaisa;	Väinämoinen cantante;
Portit pohjalla repässi,	Portæ septentrionis diffringe- bantur,
Iiman kannet katkeeli,	Aëris operculum (quasi coeli fornices) rumpebantur,
Väinämöisen laulaisa.	Väinämoinen cantante,

Ex quibus omnibus potentia sua ac magnitudo operum suorum patet. Nomen ejus varie scribi videoas; præter AGRICOLÆ supra notatum morem, alii exhibent *Väinämöinen*, (ita nobis videntur poëtae rustici semper vocem efferre), alii *Veinämöinen*, alii *Veinemoinen* l. *Veinemoinen*; qui posteriorem hanc rationem adoptant, foemininum illi sexum attribuere velle videntur, quasi dicas *Wein* (*aqua-rum*, more Savonum adhibito) *Eminen* (*Mater s. domina*), cui opinioni ita quosdam induluisse reperimus, ut eslet qui in carmine, ubi alia exempla habent uero *Väinämöinen*, vir *senex Väinämöinen*, semper scriberet aëta *Weinemoinen*, vetula *Veinemoinen*. Cui tamen rationi obstat, primum, quod virile sæpe nomen ac virilia semper opera carmina illi tribuunt; deinde, quod illum ab *aqua-rum domina* siye dea, expressis verbis eadem distinguant.

Ex. gr. in hoc carmine, quo Lyræ ab eo inventæ, artis-  
que suæ eam pulsandi, laus celebratur:

Sitte wanha Wāināmōinen  
Isturen itek' ripahan,  
Otti soiton sormillehen (sormil-  
lensa)

Kuānsi kdyrān polwillehen,  
Kanteles kātenså asse.

Soitti wanha Wāināmōinen;  
Wästa ilo ilolle kāwi,

Tum (a) senex *Vāināmōinen*  
Sedens ipse ad. (vox nobis ign.),  
Prehendit musicum instrumen-  
tum digitis suis,

Subvertit curvum instrumen-  
tum in genua sua,

Lyram sub manum suam.

Pultavit (lyram) senex *Vāinā-  
mōinen*;

Tum demum lætitia læte suc-  
cessit,

Soitto soitolle tajusi. Musica ad musicæ leges con-  
gruebat.

Ei sitå metåshå ollut, Non illud in silva erat (animal)  
Jalan neljåni juoxewata, Pedibus quatuor currens,

Kowin koikelchta wata, Pedibus (ferinis) cursitans,

Zok' ei tullut kuuleniahän, Quod non veniret auditum,

Tehehå Isän iloa, Cum efficeret Pater lætitiam,

Wāināmōisen soiteleså. *Vāināmōinen* lyram tractaret.

Karhukin aidalle kawathi, Ursus etiam se ad sepem subito  
motu applicuit,

Soittettua Wāināmōisen. Tractante lyram *Vāināmoine*.

Ei sitå metåshå ollut Non illud in sylva erat (animal,  
sc. avis),

Kahen siiven suikawata, Duabus alis præcipiti motu latum,

Zok' ei tullut tuiskuttain. Quod non veniret procellæ in-  
star (celerrime).

Ei sitå merehså ollut Non illud in mari erat (animal,  
sc. piscis),

Ewan

(a) Sc. postquam hominibus omnis generis, instrumentum recens  
inventum tractandum frustra deditis.



Wyltā wanhan Wainamōisen, Ex cingulo senis *Vainamoinis*,  
 Wyltā ainosen Kapen ic. Ex cingulo sempiterni dei *Ka-*  
*pet &c.*

Morbum scilicet atque dolorem abstersura; contra quem  
 auxilium ejus hic imploratur. Sed locus non permittit  
 de hoc deo plura adferre.

VIII. TURRI vel TURISAS bellatoribus opem fere-  
 bat. AGRICOLA l. c. inter Tavastorum deos comme-  
 morat, canens: *Turisas anni woiton sodhast, Turisas dedit*  
*victoriam in bello.* Fuitque hic Fennorum *Mars.* Con-  
 venire videtur cum Sveonum *Tyr.* In paroccia *Cackis*  
 vel *Euräpää* Careliae, fertur esse mons *Tyriän Wuori* ap-  
 pellatus, ubi hic deus speciatim putatur sedem habere,  
 & *Tyriän Åijå* vocatur. Fabulantur de ipso accolæ, eum  
 sape, imminente bello, exire, & in nubibus tympanam  
 pulsare, quod præfigium belli futuri certum habent. Hu-  
 jus vero, de cetero, nullam reperimus in carminibus ve-  
 tustis factam mentionem.

### §. VII.

Atque hi fuere Dii veterum Fennorum communes &  
 maximi nominis; præter quos minores & particulares  
 hic illic colebantur. Quales sine dubio fuerunt hi ab A-  
 GRICOLA l. c. recensiti Careliorum Dii *agrestes*:

*Köndös*, qui agros & arva sylvestria (*Huhtat, Sveth,*  
*Swedjor*) curabat.

*Rongoteus*, qui secalis proventui favebat.

*Pellonpeko*, qui hordeo præfuit.

*Egres* cui fabas & pisa, rapas, olera, linum & can-  
 nabim debebant.

*Virankannos* tantum avenam curavit.

Item

---

(c) H. e. vel *divina nectare tintam*, vel simpliciter *virtute leni-  
 endi præditam*.

Item, eidem memorati Dii ipsorum *Sylvestres:*  
*Nyrches*, qui concessit illis sciuros.

*Hittavanin*, qui timidos lepores illis prædam largitus est. *Hitta* Fenni notat canem fœminam; unde coniicere forte licet, hunc Deum, vel Deam, canis more lepores agitasse.

Tales quoque erant, ut credo, hi Tavastrorum dii peculiares, AGRICOLÆ item memorati:

RAHKOI, deus ecclipsium. (De diis *Kapeet* dictis, postea dicemus).

LIECKIÖ, qui gramine, radicibus, arboribusque imperitabat. Idem videtur ac *Liekibinen* ille supra §. VI. not. (t) commemoratus.

AHTI, quem *ex aquis pisces attulisse*, adeoque pisatorum deum fuisse, docet.

KRATTI qui thesauros custodiebat. Hunc a Svecis mutuatos esse, verisimile est; qui vocant *Skratten*, voce Islandis *malum dæmonem* notante. Cfr. IHRE *Glossar*. *Sve-  
ögöth*. in hac voce. Ex domestica majorum traditione, in terram defossas & reconditas opes ad quendam AARNI potius pertinuisse crèdas; quia thesauri hujusmodi defossi vocantur *Aarnin hauta*, l. *Aarnen hauta*. Quamquam ab *Aarre* l. *aarnio*, quo nomine hujusmodi thesaurus appellatur, ea vox potuerit nasci.

Horum omnium deorum, solus nobis AGRICOLA notitiam exhibet; nulla eorum fit in carminibus vetustis mentio. Quin nomina etiam quorundam, ut ejus quem diximus *Kratti*, *Rongoteus*, *Egres* & *Hittavanin*, linguae nostræ consuetudini non optime convenient.

### §. VIII.

Celebrantur præterea in carminibus vetustis Dii multi alii, quorum nomina nemo hactenus in lucem profer-

re studuit; nec satis liquet, an per totam Finlandiam noti fuerint (*d*). Huc pertinent ex. gr.

I. KAVEH s. *Kavet* (etiam *Kavob*, & alia dialecto *Kapeb* atque *Kapet*) qui in Carminibus non raro commemoratur. Ad hujus opem, ut, & potentis & benefici, contra morbi vim hujusmodi carmine confugiebant:

*Kaweh ennen jaxon jaxoi,* *Caveb* antea juvare valuit,  
*Kaweh ennen päästöön päästii;* *Caveb* olim liberationem præsttit;

Mixret sā minua päästā? sc. Cur me non liberas? &c.

Quin ipsius hominis formationem huic adscribere videntur vates, v. gr. cum jubent morbum abire:

*Yhosta imehnolaisten,* Ex cute (hall) hominis,  
*Emon tuoman ruumihista,* A matre editi corpore,  
*Karwoista Kawon* (l. *Kawoin*) Ex tergore operis a *Kavob* facti.  
*telemän.*

Sic alio loco de se dicit vates:

*Minaa mies Jumalan suoma,* Ego vir, a Deo creatum opus,  
*Luoma kolmen luonnottaren,* Opus trium creatricium (*e*),  
*Kantama kahē kapeen.* h. e. Partus duarum e Diis *Kapeet*.

Alio loco sic objurgat serpentem:

*Kuin purit Kapeen karwan,* (Tu) qui momordisti tergus (corpus) a Deo *Kapeb* formatum,

*Kuin purit ihon imeisen.* Qui momordisti cutem (hall) hominis.

Nec raro hominem vocari reperias *Karwa emi-* (l. *emi-*)  
*Kapeen,* tergus (s. quasi *formam* & *speciem corporis*) a matre *Kapeb*. (h. e. *primaria*) formatum, Quæ simul innuere

(d) Cfr. tamen dicta supra §. VII. not. (*s*); atque quæ de carminum veterorum, in hujusmodi rebus, inconstantia monuimus ib. not. (*i*).

(e) Quid hic voluerit vates innuere, difficile dictu est. Num ex Christianismi doctrina male intellecta & stulta mutata hausit?



nuere videntur, numen hoc foemini fuisse generis? Num naturam significare volebant? Nihil audemus definire.

2. De VUOLAINEN, ferri patre, mentionem jam fecimus (§. V. not. 1).

3. LEMMINGÄINEN, adjecto epitheto Nuori, adolescentis. Num hic cognatus spiritibus dictis *Menningsäiset*, de quibus infra?

4. Mentio etiam saepe fit in his carminibus numinis eujusdam potentis, in mari habitantis, quod proprio nomine non indicato, Uros tantum appellant, h. e. *Virum quendam fortem*. Describitur hic ut brevis staturæ, sed admodum robustus & validus; ita ut efficere valeat & audeat, quod non audent, aut valent alii Dii; ne ipse quidem *Väinämöinen* & *Virgo Maria Mater*. Sic ille *scintillam* ignis a *Väinämöine* in terram e coelo dejectam, solus ausus fuit eruere ac tractare, idque nudis manibus ac nullis munitus Chirothecis. En miram ejus in carmine vetusto descriptionem:

Mies musta meresta nousi,  
Uros (al. Ucko) aalosta yleni,  
Kolmen sormen korkinen (kor-  
kuinen),  
Mehän peukalon pituinen;  
Wähän kuollutta parembi,

Katonut' on kauhambi.

Galaš' on kiwiset tengät,  
Pååš' on paafinen kyperå,  
Hiwus kannolla takana,

Vir niger e mari surrexit,  
Heros ex unda emersit,  
Trinos digitos altus,  
Quatuorve pollices longus(f);  
Parum mortuo homine est me-  
lior (facie),  
Quin perditio (æternum!) est  
truculentior.  
In pedibus erant lapidei calcei,  
In capite saxeus pileus,  
Coma ad calcaneum a tergo  
(pendebat),

(f) Alii tamen liberaliores sunt, & cubiti longitudinem illi concedunt.

Parta rinnolla edeså. h. e. Barba ad pectus ante (porrigebatur).

Cum certamen deorum *Vainamöinen* & *Jouckavainen* diremiturus esset, alio modo fuit armatus; nempe in carmine supra p. 33. sq. citato legitur:

Ei ennen ero tullut,	Non facta est prius separatio,
Kuin Uros merestä syndyi,	Antequam <i>Heros</i> ex mari e-
	mergeret,
Rautalacki lainehistä;	Galea ferrea testus ex undis
	prodiret;
Rautakintahat kädesså ic.	Ferreæ chirothecæ in manibus
	(erant) &c.

5 MERI-TURSAS (non abhorret nomen ab AGRICOLÆ *Turisas*) qui in mari habitasse dicitur; littoris etiam dominum fuisse, probabile est, quia partasainen, *littoreus* vocatur, ac *littoris sui* alicubi mentio fit. Hic compressisse Borealem Nympham dicitur, de qua in sequentibus; pater ita factus infelcis illius novenæ prolis, quam illa peperit. Cfr. infra §. 9. p. 45.

### §. IX.

Omitti autem non debent, in hoc recensu, *Dæx*, quæ vel Deorum conjuges fuisse perhibentur, vel alias magni nominis & meritorum diyæ. Inter has commemorandæ sunt:

I. RAUNI, quam tradit AGRICOLA l.c. fuisse conjugem *Uckonis*; quæ una cum ipso detonabat in nubibus, & cum qua ei non melius convenit quam Jovi cum Junone apud Homerum: unde alterni fulminis ictus atque fragores. Versus ipsos jam attulimus, §. VI. not. (q). Nulla hujus Dæx occurrit in carminibus mentio; neque definire audemus, quam cognationem nomen suum vel cum voce Fennica *Raunio*, *acervus lapidum*, vel cum nomini-

minibus propriis hinc derivatis habeat, e. gr. *Raunifula*  
prope Aboam.

II. VEDEN EMÅ, s. VEDEN EMOINEN, *mater* s.  
*materfamilias ac domina aquæ*, pisces ex aquis concessit;  
de qua mentio facta jam est supra, §. VI. p. 35. Pa-  
pismi tempore sanctissimo Servatoris nomini hoc idolum  
piscatores adsoiciabant, ut ex hac patet invocatione:

<i>Kjesus ja Weden Emoinen,</i>	<i>JESUS &amp; Aquæ Domina,</i>
<i>Läherä kalainen parwi,</i>	<i>Mitte piscium gregem,</i>
<i>Apaille aiwotuille,</i>	<i>In tractum piscaturæ (notwarp)</i>
	<i>a me electum,</i>

*Muinaisill' wero-wesille.*      *In aquas olim mihi lucrosas.*

Nisi eandem ipsam credas alio nomine *Vesi Hiisi*, Aquæ Dæ-  
monem fuisse appellatam, conjugem saltem hujus fuisse  
habitam, non est improbabile: ac nomen ipsum *Hiisi*,  
masculinum ejus dæmonis sexum indicare videtur, a pi-  
scatoribus formidati. Favet huic opinioni, quod in car-  
mene, quo pitcator Lyræ inventionem a *Vainamoine* fa-  
ctam, celebrat, nervi ejus dicuntur desumti *Jouhista hy-*  
*wän orihin, Hiurista Hijken Emånnän, Weden wahoista wa-*  
*litut: Ex setis strenui equi, Ex coma dei Hiisi matrisfa-*  
*milias, Ex aquæ spumis (prole?) selecti.* Quæ u-  
tique aquæ præsidem designare videntur. Aliud carmen  
hujusmodi, habet: *Hiurista Hijken hirwen, Karwoista meri*  
*Kateen, Ex capillis dei Hiisi cervi, Ex pilis invidæ maris*  
*dee.* (*Kati, dea invidiæ in carminibus passim commemo-*  
*ratur. Unde Kadehtia, verb. *invidere*, & Kadeh *invidus*.*)  
Num celebratus etiam ille *Uros*, de quo supra §. VIII. p.  
41, idem ac hicce *Vesi Hiisi*, cuius nomen ipsum po-  
tentiam ac ferocitatem suam indicat? Aut num diis, aqua  
non minus abundavit quam terra? Sane contra ulcerum  
vim in carmine quodam invocatur deus marinus, qui utrum  
a supra nominatis diversus sit nec ne, haud liquet;

Sala poika Väinämöisen, Occulte fili (spurie?) Väinämöini,

Nosta miekäsi merestå, Extolle gladium tuum e mari,  
Lapioisi lainehistå; Ligonem (tridentem? qualis Neptuni fuit) ex undis;

Jollas ruhtat rypia, Quo castiges scabiem,  
Eli pñnat paisuital! Aut deprimas ulcera.

Hos versus vel ideo adferendos duximus, quod cæterum vel conjugum vel liberorum Väinämöini adscriptorum, nulla reperimus in carminibus vestigia. Nescio an alias ab horum alterutro fuerit Nåksi, ad Svecorum forte morem ita dictus; quem etiamnum superstitioni aquis præsidere, & insidiari natatoribus eosque submersos & suffocatos ad sua regna sæpe trahere, credunt. Quod *Abti*, cuius AGRICOLA meminit, eandem habuit ac *Veden Emå* provinciam, nec illius ulla sit in carminibus mentio, aut hodie vestigia cultus ejus ulla apud piscaores superstitionis reperimus; credi forte possit, nomen fuisse aliud ejusdem dei aut deæ. Confirmat hanc conjecturam, quod ex *Descriptione Lapponiae* Msc. SAMUELIS RHEEN adfert SCHEFFERUS l. c. C. X. p. 107. Sådana stenar (idola) kalla the, then första Storjunkaren, then andra hans Acte eller qwinna, &c. *Talium lapidum primum vocant Storjunkaren, secundum Acte ejus, id est conjugem.* Quæ si vera sunt, (nam vox in Lexico Lapponico egregio, nuper edito, non comparet), *Acte* l. *Abti* Lapponum lingua feminam aut uxorem, idem fere ac nostris *Emå* l. *E-moinen*, significat; flexum forte ab *Akka*, voce (& apud Fennos & Lappones) idem denotante, unde hoc nomen apud veteres Tavastos aquæ deæ adhæsisse, existimes: nihil tamen audemus definire.

III. POHJOLAN EMÄNDÅ, *mater familias Borealis sedis*, supra jam a nobis commemorata est. Ejus sæpe sit in carminibus vetustis mentio; partim ut matris malorum



lorum ac incommodorum, partim ut ea avertere & superare potentis; cuius igitur opem videas in iis implorari. Etiam nomine eam nonnunquam appellant, vel Louhi l. Loveatar s. Lovehetar. Uxorem Boreæ fuisse, verisimilitudine non caret. Itaque in carmine quodam dicitur:

Porto Pohjolan Emåndå, Meretrix (impudica?) Borealis  
fedis materfamilias,  
Lovehetar (al. Loveatar) wan. Lovebetar vetula mulier,  
ha waimo,

— — — — —  
Teli tuuli tiineheri, Fecit gravidam ventus,  
Ahawa kohullisexi ic. h. e. Ventus- acris prægnantem &c;  
Peperisse porro novem filios narratur, omnes deformes  
& aliqua parte corporis mutilatos; quod etiam nomina  
indicant, quæ iis dedisse dicitur, Ruho, Ramba, Perifofia ic. (tardus præ nimita mole corporis, Captus pedibus,  
Plane cæcus &c.): maligna tamen omnes erant indole,  
ac sagittis homines infestabant. Videtur morborum de-  
scribi genesis. In alio carmine etiam Lupi & Canis ira-  
cundi ejusdem proles vocantur. Cum hac fabula cognationem habere illa videtur, quam aliud carmen narrat,  
cujus hoc est initium:

Synty Neity Pohjolaþa, Nata fuit virgo in boreali sede,  
Ymbi kylmäþå kyläþå, Puella in frigido pago,  
Jok' ei suostu sulhaishin, Quæ non assensit procis,  
Miellyhi miehjiin hywiin ic. Probavit viros egregios &c.

Postea vero, præ libidinis æstu in mare se præcipitavit,  
ubi a deo Meri Tursas compressa, peperisse dicitur no-  
vem filios, pessimi moris, & maligni patris sui indolem  
servantes; inter quos recensentur frigus, vulnera a fri-  
gore inflitta &c. In aliis carminibus Borealis istius sedis  
dominam invocare reperiuntur, ut auxilio adsit, impri-  
mis contra ignis violentiam; ut in hoc exemplo: *Nous*

Nouse Neitonen norosta,  
Wuotehilda hyisen pojani,  
Jaisen pojani lappeasta;  
Weda wiittasi wilusta,  
Hameensi hallan alda &c.  
Pura adducere vetat angustia paginarum.

IV. TAPIOLAN s. MEHTOLAN EMÅNDÅ, *Aulae  
sylvestris materfamilias atque domina, Tapionis conjux, in  
carminibus vetustis, a venatoribus saepius fere invocatur,  
quam ipse Tapio; imprimis cum non saevas feras, Ur-  
ium, Lupum &c. sed Lepores, Aves &c. insidiis petunt.  
Hujusmodi igitur sylvestrem prædam vocant Emo wil-  
ja, Matris annonam vel donum. Nomen illi dant vel Hon-  
gas, (quasi Nympha abietis s. sylvæ abiegnæ domina), vel  
Mielus (quasi benigna, facilis). Prioris appellationis in  
his exemplum est:*

Mehän kuldainen funingas,  
Hongas ehtosa (ehosa) (\*) E.  
måndå &c.      *Sylvæ auree Rex (Tapio ipse),  
Hongas in indagando (bestias)  
domina.*

Posterioris vero, & multo frequentioris, hæc adponemus:  
Woi Mielu, Metän Emåndå, O Mielu, Sylvæ materfamilias,  
Quo tarka Tapion waimo &c. Acer illa Tapionis uxor &c.

Et alio loco:

Mielus Mehtolan Emåndå,	<i>Mielus Sylvestris sedis materfa- miliás,</i>
Tapiolan tarka neito,	<i>Aulæ Tapionis strenua Nympha,</i>
Weda riistasta refiå,	<i>Adduc penus (tui, sc. bestiarum)</i> <i>vehem,</i>
Tawaroista taluttele,	<i>Opum tuarum ductita (sc. co- piam);</i>
Kohden kusda langojani &c.	<i>Verlus aureos (dilectos mihi) laqueos meos &amp;c.</i>

V.

(\*) Al. tamen habent ehliå, pulcra.

V. SUCKAMIELI, amorum Dea, puellarum animos demulcens erga procos, & vice versa. Cujus opem implorabant hunc in modum:

*Suckamieli mielen tååndåjå, Suckamieli animorum mutatrix,  
Mæsillås tuon mieli haudo, Melle tuo animum fomenta,  
Haudo mieli mi letidmåan, Fomenta animum sensuarentis,  
Armahani armottoman re. h.e. Amici (l. amicæ) immitem &c.*

VI. De VUOLAHATAR, ut & conjuge suo *Vuo-lainen* supra commemoravimus §. V. not. (1) & §. VIII. (g). Conjugia deorum dearumque, ex mente nostratium non fuisse sterilia, & ex jam dictis patet, & multis præterea exemplis doceri posset, si locus permitteret.

### §. X.

Hi Dii Deæque bonæ plerumque erant frugis, & in cultores suos, ex mente nostratium, natura sua benefici; quare variam ab ipsis opem ad commoda vitæ pertinentem, exspectabant precibusque flagitabant. Sed erat quoque majoribus nostris res cum spiritibus & naturis quibusdam plane malefiscis; a quibus varia mala & damna sibi metuebant; quæque hoc solum nomine placare studebant. Quamquam non facile est ubique definire, ad quam præcipue classem dæmon aliquis, in vetustis carminibus commemoratus, pertinere debeat; quod & boni aliquo pec-

(g) Narrat SCHIFFERUS l. c. C. IX. p. 93. ex TORNÆO (cfr. hujus Beskrifta, öfwer Torned och Remi Lappmarker, typis impr. Stockh. 1747. 8:o, p. 15. sqq.) in medio marchie Tornenjs olim celebrem fuisse Seitam (idolum) Viran (Wiron?) Alfa dictum, quod anum Livonicam significat, (etiam Fennice). Hunc omnes circumiecti Lappones contulerent. Et. Si Fennis etiam haec dea culta fuit, ab Estonibus, quorum genti regionique forte nomen dedit, (Wiron maa, Virolaiset), ad nostros delata, Terram ipsam significasse probabile est; quam nostros olim adorasse, supra docuimus, §. V. p. 16. Exstat ad terræ dominam precatio, qua rogat eam castrator, ut equo jam posternendo, cubile quietum concedat: Anna maata Maan Emåndå, Anna maasti aldihiiri. Permitte subare, Terræ domina, Concede terram tuam propitiari.

peccato offensi, iratores interdum essent, & mali quoque saepe cultoribus suis, sibi mancipatis, favere putarentur. *Diabolus*, quatenus est hostis DEI & hominum spiritualis, peccatique auctor, ipsis ante Christianismi tempora ignotus quidem erat; ut & sedes ejus infernal is. Variis tamen noxis corporalibus, quas vel ipse immediate, vel per homines sibi addictos, Magos videlicet & Sagas infligeret, malus quidam genius satis innotuit etiam Fennis paganis; quem sub nominibus *Lembo*, *Piru*, (Genius, ad ejus familiam pertinens, hinc vocabatur *Pirulainen*, *Pohjalainen* &c.) *Perkele*, *Peijakas*, l. *Peijanen*, *Paba Kurki*, *Pendele* &c. innuebant (b); non fecus ac Lappi illum sub nominibus *Fuodno*, *Stalo*, *Pärkel* &c. averfantur. Estonibus est *Kurra* l. *Kuratti*, quod vi vocis idem notat ac *Hin Onde*, sive ὁ πόνες Θ., seu malus (i). Hunc

(h) Negare tamen omnino nolumus, quædam horum nominum olim ad dæmonem forte aliquem pertinuisse inter deos gentis cultum, ac post tempora Christianismi, ex odio idolorum, sensu pejore adhiberi cœpisse; quod de *Hiisi* supra observavimus. Sic in carminibus interdum deus aliquis, v. gr. *Tapio*, simul *Lembo* vocari videtur, ita ut hanc vocem dæmonem in genere, non modo malum illum significasse, credas. Vox etiam *Piru* cum Deo *Perun* l. *Perum*, fulmen notante, a Novogordensibus olim culto; & *Perkele* cum summo deo Prussorum veterum *Perkuno*, aliquam habent similitudinem. *Perku* Estonibus hodie significat *infernum*, s. sedem diaboli. *Occopirnus*, quem VAISELius in *Chronico Pruffico*, supremum fuisse Prussorum numen docet, ab illo forte *Peruno* & *Percuno* diversus non fuit. Cfr. HARTKNOCH alt und neues Preußen I. Th. VI. C. MÖLLER Beskrifning dfrer Est- och Läland p. 81. Sic etiam *Peijanen* l. *Peijakas* forte primum deum *inferorum*, *Plutonem*, significavit; unde adhuc *inferia*, (Grafsd!) *Peijaiset* l. *Peijahaiset* vocantur, quasi festum huic deo sacrum, cuius regni mortuus factus sit incola, quoque huic propitium illum reddere studebant.

(i) Malus enim *Kurri* Estonibus dicitur. Habet hæc vox similitudinem quandam cum deo veterum Prussorum *Curko*, (Cfr. HARTKNOCH I. c. C. VII.), *Kurki*, quod Fennis spectrum & terriculas men-



Hunc Magi ipsi tanquam suum socium & auxiliatorem,  
ad bona vel mala præternaturalia procuranda advocare  
videntur; quem sic in carmine hoc describunt:

Ei minuska miestā siene,

Zos ei tuosa weickosani,  
Zoka Hiisisa asupi,

Zoka vuorisa waledopi.  
Ei tamminengan kuricfa,  
Luuta polwesta porota;

Ei wassinengan wekåra,  
Wedå werta hartioilda;

Ei pohjanengan pahembi,  
Hiusta kowilda kohota ic.

Non in me virile robur esse  
queat,

Si non in illo socio meo,  
Qui in Hiisis sede (cuna divis)  
habitat,

Qui in montibus vagatur.  
Ne quercina quidem clava,  
Valet os elidere (cum dolore)

ex ejus genu;  
Ne æneus quidem mucro,  
Valet sanguinem extrahere ex

eius humeris;  
Nec boreas intensissimus,  
Valet capillos levare ad aures  
ejus. (Scil tam durus & solidus  
est).

Mali generis numen etiam fuisse credas deam SYÖ-JÄTÄR, non raro in vetustis carminibus commemorata, ipso etiam nomine (quasi dicas *consumtricem, corrodentem & exedentem*), id innuente. Ex hujus sputo in mare demisso, *serpentem aquaticum* enatum fuisse fabulantur; qui alio loco dicitur Rinta solki Syöjättären, Paholaisen paidan nauka, Fibula pectoralis deæ Syöjätär, Mali-dæmonis induſii fibula.

Ex malis hujusmodi dæmonibus fuit etiam quidam Satyrus silvestris, LIECKIÖ nuncupatus, (alius omnino, ut videtur, ab illo cuius AGRICOLA l. c. meminit; cfr. §. VIII). Fingunt hunc, homines in silvis ter-

G

rere

---

tum notare docet JUSLENIUS (*Lex. hac voce*), & *Paha Kurki* (malus genius) cognatum vocabulum videtur, ut & Fennicum *vocabulum Kurja, miser*.

rere & in errores inducere, varias assumentem formas & voces, nunc sub specie graculorum latrantem, nunc sub forma canum, hominum, ignotarumque volucrum apparentem. Ab igne nomen habet, ob celeritatem qua fertur; *Licci* enim est *flamma*. AJAT'TARA I. *Ajattaro*, est similis malus genius silvestris, sed foemini generis, terribilis, celer, & homines in errorem inducens. His geniis comminiscendis occasionem forte dedit notum illud meteoron, nostris licet in terris rarius, quod *ignem fatum, erraticum aut ambulonem* Physici dicunt. Nostros autem rusticos lufisse, minus mirari convenit, cum etiam non multo sanius SENNERTUM & CARDANUM Philosophatos esse, constet; qui animas mortuorum, aut cacodæmones esse tradiderunt, malignitate sua viatores vexantes. Vid. KRAFT *Præl. in Phys.* P. III. C. V. §. 271.

### § XI.

Sed nondum est finis Theognosia Fennicæ superstitionæ. Nam præter istos Deos, fingebant sibi adhuc inferiores quoque aliquos Spiritus, sive Genios ac Dæmones (k), quibus etiam vim male & beneficiandi tribuebant; quosque sibi faventes reddere studebant.

I. *Haldia*, sive genius familiaris, seu rector & præses, Svecis Ηλα. Fuerunt hi velut Dii locorum apud Romanos; nam cunctis locis, domibus, villis, suum majores præfecere rectorem, qui tanquam hospes invisibilis ibi cum quodam imperio commorabatur. Lacus sylvestres, præfertim minores, talem singuli putabantur habere præsidem; quem quidam piscatores adipe phocæ fugare

---

(k) Difficile quidem est ubique definire certos limites inter genus utrumque; quod ipsi Dii gentilium non omnes ejusdem essent dignitatis aut potentiae; sed tamen illæ naturæ, ac quædam in primis, quæ in hac §. enumerantur, inferioris omnino fuerunt generis.

gare se posse putant. Imo cuique homini suum Genium familiarem, tanquam rectorem adesle, superstitioni autumant; cuius instinctu & ope, consilia & cœpra successum habere arbitrantur. Quamobrem hominem enthusiasmo percitum, qui se habet ut fanaticus, ajunt esse Haldioisa, seu *incitatum ab hoc rectore*. Hinc venatum protecturi, vel aliud opus majoris momenti effecturi, eum hujusmodi verbis ducem ad vocant:

Nouse luondoni lowesta,	Surge ex rima naturæ meæ,
Kiwen alda kiliu silmå,	De loco tuo sub lapide pætule,
Vaaden alda paicka pæssi,	Subter cippo mi genie decore,
Hongan alda Haldiani!	Subter abiете mi rector!

Que pâdles palawa paitax. h.e. Indue indusium ardens &c.

*II. Tontu* sive Lar, a quo magnam exspectabant ope & curam rerum suarum domesticarum; qui saepe damna avertebat, & varia bona procurabat, cum propitio eslet animo; at offensus tumultuabatur. In quibusdam domibus putabant dominari Larem masculum, in aliis fœminam; cur vero monoculum esse perhibeant, nescio. Nomen a Svecis mutuatum, suspicandi præbet ansam, hunc larem Papismi forte tempore primum nostris innotuisse; quibus ejus loco, hactenus, prius tantum illud genus cultum fuisse videtur, scil. *Huonen-Haldia, custos* nempe s. *præses domus*.

*III. Maahiset.* Hi erant iidem, qui Svecorum Elfmor & Venedorum Barstucci, Germanorumque Erdmängen, seu homunculi subterranei, qui certis in locis, sub arboribus, lapidibus, & domuum liminibus, hospitari creduntur. Horum favorem variis captare muneribus fuit necessarie. Quoties cerevisia coquebatur, vel panis pinsebatur, his primitiæ debebantur. In conviviis & festis nefas erit eorum oblivisci. Si felicem rei pecuariæ successum materfamilias exoptabat, lactis participes hos fie-

ri oportebat. Qui in novam domum commigrabat, ante omnia, quando primum illam intrabat, debuit incurvare se ad omnes angulos, & salutare hos incolas subterrestres, si in illa domo salvus & incolmis degere cuperet, & litare illis sale, zytho & pane. Si quis urina mittenda aut alio profanationis genere conspurcabat domicilium eorum; ut impune id laturas eslet, timere debuit, morbis vel alio infortunio tale crimen luiturus. Lappo quoque sub focum suum, vel limen tentorii, tales degere credit. Adeo ut mirum sit, tot gentes in futilibus stultisque his nugis adoptandis consensisse.

*IV. Capeet*, fuere ejusmodi maligni dæmones, qui cuncta voracitate sua consumebant, remque familiarem in arctum redigebant. Unde verbum *fapendua* significat coarctari. Sed non modo hominibus hi noxii erant, verum ipsam Lunam aggredi audebant; unde ecclipses ejus oriri credebantur, ac remansit hodieque phrasis fuisse syððan, *Luna exeditur*, h. e. *deliquium patitur*. Hinc timor ridiculus; non secus ac Sinensibus, quos solem & lunam, a dracone quodam coelesti ecclipsis tempore consumi, credere ajunt. Haud sapientius Græci olim & Romani ecclipses ex veneficarum vi oriri putabant, quæ cantu suo lunam cœlo deducerent, quamque tinnitu æris juvari posse credebant. *Kapeet* hos, piscaturæ etiam deditos fusile, plura carminum loca indicant; sic alicubi dicitur *Kapeet* kalla lâxi, *Kapeet* piscatum proficisciabantur, & alio loco mentio fit tractus aquæ ubi piscatum *Kapeet* exercabant, *Kapeen* kala wesi: victu opus habuissè largo, ob voracitatem sc. suam, videntur. A Deo autem *Kapet* l. *Kaveb*, supra commemorato, benefico, diversi omnino fusile videntur!

*V. Menningäiset*, erant aliud genus dæmonum & spectrorum, qui in montibus, locisque solitariis agere putabantur, hominesque terrere,

*VI. Paara, Sveth. Biāran, est dæmon factitius, quem  
veneficæ ipsæ creare putantur, & ad ferendum lac & bu-  
tyrum cogere. Etiam has nugas, Svecis nostros debuisse,  
nomen ipsum indicare videtur; Papilmi igitur forte  
ætate, apud nos haud superiores. Modus construendi hu-  
jusmodi animalis talis dicitur esse: Caput formant ex in-  
fantis galero, qui variis & multicoloribus laciniis opple-  
tur, in quo conditur etiam hostia, ab ariculis in Sacra  
Synaxi ore accepta, cuius sc. ope vitam ipsi daturæ sunt.  
Stomachus ex linteo tegumento capitis foeminarum fit; qui  
stupa farcitur. Huic tres fusos l. rhombos (sländor) di-  
vergentes adfigunt. Quo facto, opus hocce præclarum  
portatur ad vestibulum templi, summo mane diei cuiusdam  
dominicæ; ubi tenetur aliquantisper, deinde cir-  
cumlitur templum novies, identidem mussitando: *Syñny*  
*Paara! h. e. nascere Paara.* Brevi post, vitam, scilicet, ac-  
cipit, salitque tribus pedibus. Tunc ajunt ad ipsum:*

Kanna woita, kanna maito,  
Euo woita wuoren eucko,

Affer butyrum, affer lac,  
Affer butyrum, montis avia  
(anus),

Piimådå pirun emåndå!  
Påästå piimen pindhestå,

Lac concretum uxor diaboli!  
Libera lac-coagulatum ab an-  
gustiis,

Maido happaman hallusta (\*). Lac a dominio acidi.

Hujus possessor deinde abundare semper creditur lacte  
& butyro. Mucorem unctuosum flavum, *Linn. Flor. Sv.*  
*N. 1282*, statuunt esse hujus excrementum; & nugantur,  
si quis talem virgis cædat, ac alternatim igne torqueat,  
ipsum cogi ut prodeat veneficam, & pro fœtu suo oret.

(\*) In omnibus hujusmodi carminibus a nobis allatis, eam ser-  
vavimus orthographiam, eamque dialectum, quam exempla nobis ali-  
cunde acquisita, præferabant; quod sæpe non sine incommodo, dialecto  
alia indui queant. Plurima dialectum Savonicam produnt; quod in ea  
Provincia maxime vigent.

*Auxilium*, quod a Diis suis, majores nostri, tempore paganismi expetebant & sperabant, nequaquam fuit Spirituale aliquod bonum, ad salutem animæ pertinens, de quibus rebus, utpote verbo Dei destituti, nullas sibi formare poterant ideas; sed totum spectabat commoda vitæ præsentis: temporaliaque solum curantes, Deos suos colebant. In tam spissis autem superstitionis tenebris licet constituti, non tamen omni proflus naturalis Theologiae luce caruisse censendi sunt. Habuisse aliquam, quamvis debilem, cognitionem de Numinе quodam summo & omnipotente, videntur, auctore rerum omnium; quem in carminibus suis vocant *Lujoja* & *Kaikivalda*, hoc est *Creatorem* & *omnipotentem*. Nisi quis loca carminum veterum, ubi hujusmodi voces occurunt, post Christianismi tempora interpolata esse existimet; quod quidem pernegare haud conabimur. Notionem tamen aliquam de creatione mundi habuisse, atque omnium rerum initiis divinæ potentiae adscribendis, etiam locus ille de *Vainamoine* supra adducius §. VI. p. 34. indicare videtur, quem Deum aliud carmen vocat *Totius mundi opificem*, (qui *tundendo*, prout in officinis ferrariis fit, illum formaverit), *Aëris operculi (cœli) fabricatorem*, *Kaiken mailman tafjoja*, *Ilman kannen kaskuttaja*. Verum, uti diximus, interpolationem nullam fuisse experta, præstare haud valamus. In eo vero maxime errarunt, quod hoc Numen œconomiam universi, & curam præcipue hominum, delegasse certis ministris & spiritibus finitis, se inferioribus, putarent, quales ipsorum Dii erant.

De *immortalitate animæ & vita futura*, obscura quoque notione quadam gavisos fuisse, probabile est. Obscuram dico, quia multis superstitionis nugamentis circumscripta erat. Existimabant enim majores nostri vitam illam

illam futuram similem esse huic præsenti; adeo ut quibus negotiis occupati fuerant in hac vita homines, iisdem etiam in futura addictos fore, putarent; victu & amictu ibi opus fore æque ac in hac; conjugio aliisque carnis oublectamentis locum esse, &c. Hinc in regno illo *mortis*, Euonela, eadem omnia atque in terra, carmina docent adfuisse: mentio fit, non modo *piscium mortis regni*, Euonen Hauki n. sed etiam *bordei ibi crescentis*, Euonen otra l. ohra. Cfr. quæ supra de Peijakas & Peijaiset diximus, §. X. not. (b). Hinc est, quod defunctis arcum & sagittas, arma & solita utensilia, ajunt, in sepulcro, ad caput reposuisse, atque ipsis cibum & potum obtulisse; quod animos eorum iis locis delectari post mortem, in quibus vivi maxime commorabantur, autumabant; quod Thesauros suos, ubicunque reconditos, identidem visitare perhibebant. Qualibus fabellis adhuc vulgus delectatur ubique, & quarum nullus finis est, si aures iis audiendis adhibeas.

CORRIGENDA.

P. 7. l. 13. necesserunt, l. recesserunt. Ib. l. ult. leg. *idolomania*. P. 14. l. 15. queant l. queat. P. 30. l. 21. aureæ l. auree. P. 31, l. 14. Latinorumque l. *Latinorum*. P. 37. l. 6, post *ripam* dele comma. l. 20. *Zaloilla jah* *fansa*, l. *Zaloïn jahfainsa*.

